

光緒重修安徽通志

重修安徽通志卷二百二十

人物志

儒林三

甯國府

宋孫自修字敬夫宣城人從朱子遊朱子嘗貽書商推傳訓朱子既卒自修追記池錄一卷附載語錄其弟自新自任亦同受業朱子之門時正學久衰自修兄弟獨知尊嚮一時極推重之又朱子實紀中載有門人孫自修甲寅問答

朱子語錄  
萬姓統譜

胡鼎金字貴剛宣城人究心易學嘗作三陳九卦說曰文王九卦之取上經取其六取履於乾先天之乾所以父巽離兌於上者敘倫於履矣取謙於坤先天之坤所以母震坎艮於下者敘倫於謙矣復卦乾陽反動於坤陰之下復禮爲人之本也而三

才之道備矣六卦之取於下篇至於巽以行權而聖人之用意

微矣語見徵朱升周易注

附國府志

吳柔勝字勝之宣州人幼聽其父講伊洛書已知有持敬之學  
登淳熙辛丑進士調都昌簿差嘉興教授御史湯碩劾柔勝救  
荒浙右擅放田租爲趙汝愚收人心且主朱氏之學不可爲師  
儒自是閒居十餘年嘉定初歷遷國子正以朱子四書與諸生  
誦習講義策問皆以是爲先於是士知趨向伊洛之學晦而復  
明再遷司農寺丞出知隨州收土豪孟宗政扈再興隸帳下後  
皆爲名將立軍曰忠勇營柵器械悉備改湖北運判兼知鄂州  
大講荒政十五州被災全活無算官終祕閣修撰奉祠卒諡正  
肅

宋史本傳

元左繼樞字芳遠涇縣人博學明經任安慶路教授嘗讀康節

擊壤集歎曰人不見此書則心不通大改錢塘令固辭不獲乃赴官未旬日卽移疾歸築精舍曰隱齋終日危坐手持大易性理諸編推究性命之學嘗語其子曰顏子不改其樂何樂也孟子善養浩然之氣何氣也學者多稱述之

江南通志

明左輔字弼子涇縣人宏治丙辰進士知浮梁縣中使擾密廠民大亂輔開諭禍福始解散因請撤密使忤中貴調景陵有能聲選瑞州府同知逆奄劉瑾遣籍黃侍郎家備極慘酷輔恤其孥坐謫南安教授再謫南城訓導瑾誅起知甯州謝病歸以著述自娛晚玩太極圖說充然有得著周易本義附說太極後圖

南庠日講等書

一統志 萬姓統譜 經義考

董傑字萬英涇縣人成化丁未進士方謁選時暑月輟講經筵傑繼御史湯鶴抗疏爭言甚激烈除沔陽知州值歲旱捐租賑

之民賴更生會四川饑中書舍人吉人薦湯爾及壽州知州劉  
欒可使主賑御史魏章陳璧等希閣臣劉吉指言餽槩及主事  
李文祥庶吉士郝智知州董傑皆黨人相標榜毀時政遂逮傑  
等下獄賴尙書何喬新侍郎彭韶等力持之傑得請四川行都  
司都事署邛州及松茂州歷遷保定知府淹獄千餘人甫半月  
剖決殆盡練兵儲粟其後霸州盜起以有備無患民生祠祀  
之累晉河南左右布政巡撫江西時宸濠反形已具傑拒其餽  
遺諷以忠義濠知不可奪因畱傑飲毒之次日歿徧體皆赤貧  
不能發喪有司啟視其篋白金不盈兩尋賜祭葬所著有八士  
辨五城集其兄剛字萬紀成化壬辰進士官雲南按察司僉事  
居官廉潔以學行稱

明史湯爾孫述傳  
西通志 江南通志 江

吳宗周字子旦宣城人少孤以篤孝旌於朝成宏治丙辰進士

方觀政御史黃山給事中龐泮以言得罪抗疏救之出守臨江  
首重師儒爲學舍聚生徒講習數年民知禮讓郡中稱治平生  
實踐躬行非徒高談性命著有廣崇正辨諸書學者稱石岡先

生

一統志江西名宦  
史本傳 江南通志 明

梅薦字致齋旌德人正德癸酉舉人著有尙書譜尙書攷異力  
攻古文之僞初朱子嘗疑古文吳澄繼之至薦始大放厥辭近  
閻百詩作尙書古文疏證惠棟作尙書古文攷皆原本於此書  
又所著有春秋指要儀禮製經太元圖注等書

四庫全書提要  
經義考

張榮字士儀涇縣人五歲授書卽能行雞鳴鹽漱之禮十歲徧  
治諸經究心時務觀書獨得大旨尤長於易歐陽德爲南祭酒  
往從之遊以名節道義相劇切又從鄒守益錢德洪王畿講學  
事母至孝卒後廬墓三載創建水西書院多延名儒主講由是

水西之學名天下

一統志 江南通志 甯國府志

貢安國字元略宣城人窮究性命由明經司訓湖口嘗主白鹿洞書院門人錄其所傳安國見之題曰學覺窺斑後知東平力行所志學者咸尊樹之

江南通志

汪景字希道南陵人少好讀書已而歎曰日記萬言徒增耳目障耳於是一意於文行交致之功從湛若水游鄒守益錢德洪咸以畏友目之以舉人爲嘉興汝甯推官不避豪右未幾乞歸見一時學者多宗虛無之教每言聖門之學以實踐爲功真知爲貴作良知辨讀陸子集辨等書皆有功斯道云

江南通志

戚袞字補之宣城人以歲貢知項城縣潔己愛民歸而講明理學貢安國極推重之以爲宣城講學之風自袞始

甯國府志

沈寵字思畏宣城人嘉靖丁酉舉人知行唐縣民不知織紵爲

造機杼教之調獲鹿興農桑修禮教盜賊衰息擢監察御史出按福建所部郡佐怙時宰姻婭恣驥斥之坐此左遷湖廣兵備僉事會劇寇鄭剪鈔掠旁郡寵破平之建崇正學書院延名儒講學遷廣西布政司參議以母老告歸寵少從鄒玉講良知之學及歸又與羅汝芳梅守德交相切劘學者稱古林先生著有古林摘稿

一統志  
明史田一備傳

查鐸字子璠涇縣人祖漢性慈厚雖蟲蟻不忍傷鐸少卽篤志正學成嘉靖己酉進士授德安推官入爲刑科給事中忤高拱意遷山西參議有妖似獼猴能人言眾惑之鐸下教驅遣妖謝去曰查公正人不敢犯也升廣西兵備副使移疾歸繕水西書院講王畿錢德洪之學後進多歸之所著有闡道集二十卷年七十四卒祀鄉賢

一統志  
明史蕭彥傳  
涇縣志



翟台字思平涇縣人嘉靖己未進士授長沙推官務先教化明  
正學除強暴革宿弊理冤獄升南車駕司主事尋告歸偕同志  
興復水西書院發明姚江之學而不專主良知之說所著有考

溪集水西答問諸書

甯國府志

施宏猷字允升宣城人少受業陳履祥得羅盱江之傳日聚同  
人講學其叔祖無嗣遺產千金捐爲義田以贍宗族嘗建六邑  
及南都十四郡大會興起者眾所著有同仁語錄性善太極諸  
編鄒元標爲作傳焦茲誌其墓

甯國府志

余珊字廷甫甯國歲貢師事錢緒山鄒東廓講良知之學嘉靖  
間歷任甯陵汶上武定各學官潛心性理士深瞻仰致仕歸誘  
進後學講論不輟邑人化之卒祀鄉賢祠

甯國府志

趙仲全字文質涇縣人少讀宋儒書歎曰道在是矣卽棄諸生

業隱居教授所著有道學正宗錄十八卷語錄二卷及易學洪範朱陸異同辨諸書年八十八卒學者稱梅峯先生

四庫全書提要

國府志

杜質字惟誠太平人從錢德洪王畿游多所指授時張居正禁講學質談論自如曰彼禁者僞耳吾自真也但易其名爲申明

鄉約著有明儒經翼

南國府志

何燮字贊元南陵人游於歸有光之門歸而聞鄒守益錢德洪講學涇縣水西率其徒往師之生平恥事浮名學務實踐不肯

作淪虛蹈空之習

南國府志

楊遜字子順甯國人初以習靜操持爲功後師陳九龍陳令白識其心受所著九經翼久之覺心體自然神智開朗著有就正

言二卷人稱懷鳳先生

南國府志

蕭良幹字拙齋涇縣人性至孝母病衣不解帶者累月成隆慶辛未進士授戶部主事榷稅崇文河西羨金無所取遷紹興知府修三江閘築海塘復嵇山書院與士大夫講學歷升陝西左布政裁抑饋稅二瑞所部以安著有天逸閣集子思似字若拙以舉人累遷戶部員外郎出守江西廣信致仕歸思似少師顧憲成其言學病黃勉齋之窮索顏山農之放縱而以誠明二

語爲梯航所著有瓊翠樓和鳴集

一統志

江南通志涇縣志

徐榜字薦所涇縣人萬曆時選貢廷試第一神宗御批云天下文章當以徐榜爲式癸未成進士授虞衡司主事仕至浙江右布政致仕歸聚徒於水西書院宗法濂洛所著有白水集

江南通志

蕭雍字慕渠涇縣人萬曆癸未進士除工部主事出爲江西參議轉浙江副使督學政尋致仕歸以薦起廣東副使晉按察使

復乞休講學水西宦績亞於兄彥而學過之所著有水西會語

赤山會語

明史蕭彥傳  
涇縣志

鄭岱字維宗涇縣人少慕王文成之學二十年無所入偶一友

述許魯齋言千百人中常知有己欣然會心遂用力於此著有

自言草又有同在水西講學者命堂官楚府紀善著有楚錄翟

祐出湛若水之門著慎獨說石川集

甯國府志  
涇縣志

汪有源字惟清太平人少聞講孝弟章卽喜謂孝弟我分內事

後師祁門陳九龍在金陵數與焦竑鄒元標楊起元高攀龍會

講平易近人學者皆以爲如坐春風中稱爲崑一先生

江蘇  
通志

孫經字阿麟宣城人弟緯字季昭一乳所生也同師陳履祥以

學相砥礪時多言無善之善是爲至善辨力辨之以爲此告子

之學性至孝母卒廬墓著有虛中言三卷緯先卒經益自勵著

有語錄四卷又同邑王念祖字台文亦從陳震祥學多所講明

卒年八十猶手著周易不輟

南國府志

呂堅字定夫旌德人隆慶間以選貢判廣信府遷桂林同知忤朝貴左遷周藩長史引疾歸年九十卒堅師事呂見羅與施宏缺講學不懈歷官循謹廉明私居必整衣冠一時士大夫極推

重之

南國府志

邵汝行字季躬太平人性孝友侍母疾不解帶兄病疫左右調護生平以理學自任五松陵陽新安仙源會講不輟與焦竑尤相契合挈其子樸元從學樸元登鄉薦能世其家

南國府志

周志乾字釀元太平人勵志砥行嘗言學以靜悟爲要構止園以居默坐有得欣然而起一切世事皆屏絕不以櫻心同族周萬年字世德怡曾孫也以紹先業明古學爲務舉孝廉方正辭

不就邑中事有可裨教化者皆振興之疾劇來問者但與之言

學不及後事

府志

胡泉字白水太平人以孝友聞闡明正學羽翼程朱所著有松

巖集四書辨訂諸書

府志

汪尙謙字敬齋太平人嘗手訂易經祕旨一書爲一時所珍崇

頑閉舉孝廉方正不就明亡獨居小樓惟沈壽民來則開扇延

之與論心性之旨

府志

沈壽民字眉生宣城人龍之曾孫也崇禎九年巡撫張國維保

薦入都疏劾楊嗣昌奪情復攻熊文燦言嗣昌挈軍旅權付文

燦乃講明結約若與國然天下有授柄於賊而能制賊者乎疏

畱中不報黃道周歎曰此何等事在朝者不言而草野言之乎

富是時壽民名動天下未幾移疾去講學姑山從游者數百人

福王時阮大鍼用事銜壽民劾嗣昌疏有大鍼妄陳條畫鼓煽  
豐芑語必欲殺之乃變姓名避之金華山後歸足不履城市者  
三十年臨終諭門人施閏章劉堯枝等曰以此心還天地以此  
身還父母以此學還孔孟語畢而卒

一統志 明史田一  
傳 南國府志

國朝梅文鼎字定九宣城人與弟文鼎文鼎其習臺官交食法著  
天學駢枝值天學書之難讀者必求其說以考經史至廢寢食  
人有問者詳告無隱所著天算之書八十餘種康熙開明史開  
局其天文志文鼎摘其謬舛五十餘處成明史志擬稿三卷二  
十八年至京師李光地屬其蒼萃簡要使人共得門戶以大顯  
此學因作天學疑問三卷四十二年

上南巡有

旨取文鼎書光地以天學疑問進

獎諭有加四十四年

上南巡

問宣城處士梅文鼎者今焉在光地以尙在臣署對

召見舟中從容

垂問至於移時

特賜績學參微四大字平生所著書柏鄉魏荔彤纂刻二十九種其孫

穀成謂爲未善別加編次名梅氏叢書輯要總二十五種六十二卷六十年卒年八十九文誦與兄共著步五星式六卷文誦

有中西星經同異考一卷

一統志  
甯國府志

施閏章字尙白宣城人祖宏猷以儒學者世紹其業當世言家  
法者推施氏閏章少孤事叔父譽如父少受學於沈壽民成順  
治己丑進士授刑部主事歷員外郎引經斷獄期於平允擢山



東學政遷江西參議分守湖西道吉臨袁三州歲凶多盜拊循有方境內帖然人稱施佛子戒溺女築潰城建書院勸考課禱神而虎患弭講學而閭閻化以缺裁歸士人建龍岡書院生祀之己未歲

召試博學鴻詞授翰林侍講纂修明史辛酉典試河南轉侍讀尋病卒

閻章學以體仁爲本嘗語人曰一刻不見己過便絕聖賢之路詩與宋琬齊名人稱之曰南施北宋不知其學有本源深入先

儒閻奧非僅以詞章著也所著詩文雜集共百十卷

一統志  
甯國府志

吳肅公字甫若宣城人少年從其叔父垆學又游於沈壽民之門垆棄諸生肅公亦鍵戶不應試力窮聖學闢異端著正王論以辨姚江之傳其大旨謂傳注者聖人之教之所寓以明也陽明悟而異之自謂得性天之妙卒之言天愈渺而見性愈微比

於釋氏而弗惜也所著有街南集

甯國府志

吳士品字孟修宣城人少從艾南英受朱子全書性至孝居父喪寢苦枕塊服制儀制一遵家禮母卒亦如之六年如一日時學者方溺於靜坐冥悟之說作辨惑論以闢之蒼萃經傳鈎考異同著書數十卷稿數易而後成尤謹於禮儀凡將出弔必先御酒肉而後往人化其誠

甯國府志

姜安節字勉中本萊陽人父埭前明給事中以直諫謫戍宣城謂安節曰死必葬我於宜君命也遂爲宣城人焉少穎異頗沛中不廢學杜門學道不求仕進初亦宗良知之說既而精思有悟遂力主孟子以性善爲宗仁義爲要父執熊開元欲援之學佛與談論累日始歎服去學者稱茲山先生

甯國府志

汪越字思退南陵人康熙開舉人所著有綠影草堂集其讀史

記十表病史家表經緯相牽可以考證而不可以誦讀學者往往不觀因排比舊文鉤稽微義一筆一削務以春秋書法求之訂訛砭漏所得殊多平生茹苦不肯干謁行社倉於里中請官給印簿而自謹其出入可爲法式焉

四庫全書提要  
甯國府志

趙青藜字然乙涇縣人乾隆丙辰會元選庶常授編修改江西道監察御史以覈歸起補山東道兩典浙江試一典湖南試稱得士在臺中五年章凡數十上如請清屯田以歸運丁弛米禁以濟民食仍耗羨歸公興西北水利皆有闢利病又請止開捐

恭奉

御批此本亦有所見後

命查賑山東遣以耳病乞休年八十二卒生平文宗昌黎詩兼韓杜涇前輩爲學皆主姚江王氏而青藜獨誦法程朱作正論八篇大

旨謂心所知者義理至於愛敬之節禮樂之度名物象數之繁雖聖人不能逸獲其言甚明所著詩文集五十餘卷讀左管窺二卷門人私謚曰文毅先生

行狀 洪亮吉所作墓誌

趙良霽字肅徵青黎第四子乾隆乙卯進士授中書性孝友幼侍父讀書恪奉庭訓但以行誼爲先不以科名爲急初丁內艱勺飲不入口者數日三兄皆前卒惟與弟良爵疊侍父左右夜則聯牀以伺寢息不敢離父卒泣血三年旣免喪猶疏食笑不見齒癸丑入都罷歸而良爵復病不起益感傷不欲赴試以族眾共勸乃復入都得雋年五十餘矣嘉慶戊午充廣東副考官旣復

命決計乞休大學士董誥堅留之不得願謂同列曰趙君今之學者去

可惜也旣歸杜門教授一意著述年七十四卒所著有讀春秋

讀詩讀禮讀易讀書及詩古文集凡數十卷行於世

涇縣志兼採行狀

以上舊志

朱珩字蘭坡涇縣人生三年而孤祖命爲季父後嗣母汪未婚守志珩孝事之與生母同昆弟均相友愛成嘉慶壬戌進士未散館與

幸翰林院柏梁體聯句宴授編修官至翰林院侍講直

上書房屢蒙

宣廟嘉獎有品學兼優之

稟告養歸植品敦俗獎誘後進歷主鍾山正誼紫陽書院造就甚多著有小萬卷齋詩文集七十卷說文段借義證二十八卷經文廣異十二卷文選集釋二十四卷輯有

國朝古文彙鈔二百七十二卷

國朝詁經文鈔六十二卷卒年八十二祀蘇州五百名賢祠

涇縣志

梅晉亮文集

以下折修

胡承琪字景孟涇縣人嘉慶乙丑進士由編修歷官給事中陳奏多切中時病授建延邵道調臺灣道擒海盜張充等加按察使銜引疾歸里自奉極儉而邑中事多樂捐助著有儀禮古今文疏十七卷小爾雅義證十三卷毛詩後箋三十卷爾雅古義二卷求是堂詩集二十二卷奏議一卷文集六卷駢體文六卷

涇縣志

包世臣字慎伯涇縣舉人官新喻知縣學問精博淹貫經史文筆古雋兼工書法爲當世所推服著有安吳四種倦遊閣文集類關體國經野之務

涇縣志

胡世敦字兼山涇縣舉人官陝西知縣有治行解官歸主講姓

德書院以經術訓士著有周禮要義逸周書解五石瓠齋詩文

集卒年九十二

歷縣志

趙紹祖字琴士涇縣廩貢官滁州訓導道光元年舉孝廉方正純孝性成居喪盡禮晚年主講書院以敦行植品訓迪後進著有古墨齋十五種其進呈

御覽者涇川叢書金石文鈔新舊唐書互證考及祀鄉賢祠

歷縣志

崔預字晉元太平舉人博學強識於正蒙或問尤多心得著春秋擇傳兼取胡說附案與經旨發明別著易鑑四書考上江文

獻錄又號師水有師水齋詩文集

太平縣志

呂飛鵬字雲里旌德諸生年十七出游從師最後從凌廷堪學治禮經廷堪器之著周禮補注四卷周禮古今文義證六卷平居書齋閣自銘誠粹然出於儒先道學鄉餼籌粟倡賑人多德

之有爭辯一言立釋嘗戒其子賢基曰成名易成人難又曰言  
官不易爲毋陳利而昧大體毋挾私而務高名其本行如此賢  
基卒以忠節著

梅曾亮文集 案呂雲里墓誌梅曾亮  
文集但稱其字今據旌德志封贈補名

左暄字春谷涇縣拔貢任蒙城教諭造就多名下士晚動著述  
獨標精義著有三餘偶筆十六卷續筆十二卷瓶管記疑六卷  
五經文字考異二卷性道闡言二卷涇志刊誤補遺四卷對湖  
軒雜詠芳巖文鈔各四卷年九十一卒祀水西書院同縣有增  
貢王衡字湘九事父以孝聞著有周禮釋義儀禮釋義亦祀水  
西書院同姓有左佐字良孚著四書異義述二十五卷周易異  
義述十三卷說詩古訓三卷

涇縣志

翟漱芳字潤之涇縣舉人舉孝廉方正任廣德州學正訓士以  
崇正黜華爲本著有周易釋例四卷四書惟是錄三十卷羣經



句讀異同二卷尊聖釋疑錄二卷字學形聲隨辨四卷正聲集  
四十六卷桃花潭稽言四卷藝圃禮記一卷芸樓隨筆一卷仰  
山堂詩文鈔三十二卷又著有

文廟通考一書

涇縣志

崔憲意字崑泉太平舉人幼孤事母孝以禮自持有拒奔女事  
潛心宋五子書著四書口義困學錄呂賢基稱爲有本之學母  
喪三年不歸寢嘗言爲儒之道在實行最得力一恕字因以如

心顏其室學者稱如心先生

太平縣志

王祥儲字子餘太平縣舉人幼以古賢哲之學自期壯歲失恃  
哀毀骨立弟歿撫其子如子族戚有不給者竭力周濟咸豐初  
同杜作舟方昭文等在籍團練以勞績官江西知縣代理南員  
同知務以德教化民於倫紀閒尤不憚反覆告戒補樂平縣未

任卒

太平縣志

池州府

宋王鑑字時可石埭人紹興戊午進士授興國軍司務高宗以時事召對稱旨累擢監察御史有風力歷中書舍人兼直學士院侍講鑑素通經術善訓導高宗爲吳后家置大小教授以鑑領其職其所撰戚里元龜爲后家起也又著春秋門例通解及

易象寶鑑諸書

萬姓統源  
江南通志

明李呈祥字時龍貴池人以歲貢赴廷試後卽告歸築一軒自署曰尙志日端坐其中研經味道嘗謁王守仁於江西辨析同異深契良知之旨歸而教授何喬丁旦皆其入室弟子郡守屢薦其文行公卿皆敬慕之所著有古源日錄知行二論

江南通志

江學會青陽人王守仁至九華學會從之遊與聞良知之旨及

湛若水講學南都復從受業同邑施宗道亦受業於王湛之門與學會同建甘泉書院於九華聚徒講學一時稱盛學會後以

歲貢官嵯縣訓導遷新建教諭

池州府志

呂一麒字虞田貴池人少師李呈祥後從王畿鄒守益遊步趨繩墨一介必嚴以歲貢歷訓導教諭後爲沂州學正所至講學

教化大行

池州府志

王世祿字南溪青陽人學宗良知聚徒於九華李白祠講學所著有語錄及南溪遺稿同邑何壁師事鄒守益王畿亦見稱於耿定向著有人物志九華山志又吳邦治亦學宗守仁時甚重

之

池州府志

劉織字章甫青陽人幼師吳邦治後聞羅汝芳查鐸深得守仁之旨往受業焉於是領悟其要以主靜爲功賞訓其子光復曰

勿以鼎鐘鑠性命勿以鋸鑊疚身心蓋得於良知者深同邑方

繼之字文坡亦深徹良知之旨著有語錄若干卷

池州府志

桂大棟字珍吾石埭人築古一山房閉戶終年研究性理與同

志講程朱之學同邑陳一敏字少竹篤信良知之說與友舉似

範立館祀守仁皆篤行儒也

池州府志

施達字下之青陽人研精理學不應科舉隱天柱峯一門之內

家人應對起居悉準內則曲禮傳經講學聽受者常數百人稱

天柱先生崇禎九年尙寶卿張瑋以隱士薦不赴卒其門人卽

天柱講堂祠之著有讀書知易易信序卦雜卦圖解儒行注孝

經注同邑陳自藻沈元復皆學於達爲入室弟子元復嘗論返

博歸約之旨學者宗之又嘗詣臺使者條上採鑛崇妖媚寵諸

弊皆有關風教之言

江南通志  
池州府志

曹參芳字曰贊貴池人性孝友博學砥行史可法程世昌皆稱  
其有經世之學常居桐川與同志闡發心性之奧尤精於易皖  
江培元書院初建嘗主講會學者稱心易先生

池州府志  
以上舊志

國朝楊摛藻字樸菴石埭人道光戊戌進士官刑部主事迎父就  
養凡七歲親屬二十二人畱家父日念之摛藻遂乞養歸旋居  
父憂有厚幣求壽序者不可軍興辦五縣團練沈祖懋張芾欲  
上其功不可其後張芾保升員外郎曾國藩保加四品卿銜皆  
俟得請迺使知之勝保嘗受業於摛藻之門及以大臣柄兵書  
幣遣至摛藻但誥誠謂誠敬則智勇生縱肆則禍敗應宜夙夜  
兢懼此外無他言歷王講院南北書院以先行後文爲教不立  
講學名而躬允蹈之律已潔清和而能介粹然儒者有兵事論  
言時事書在所著敬修堂古文中卒年六十四照軍營病故例

贈光祿寺卿銜廕子知縣同治十年奉

旨祀鄉賢祠

石埭縣志  
柏堂文稿

方宗誠  
新修

太平府

吳唐固字子正丹陽人修身積學稱爲儒者著國語公羊穀梁傳注講授常數十人權爲吳王拜固議郎自陸遜張溫駱統等皆拜之黃武四年爲尙書僕射卒年七十餘

三國志闕傳  
吳錄

唐張惟儉當塗人精左氏穀梁春秋舉進士歷和州刺史與侍御柳鎮友善鎮子宗元作先友記記父諸友皆天下善士惟儉

與焉

柳柳  
州集

宋王逢字會之當塗人博學善文長於講說教授蘇州學者常數百人晚始登第歷官國子監直講以太常博士通判徐州卒逢爲人樂易篤於朋友與胡瑗最善喜著書有易傳十卷乾德

直隸通志卷二百二十

指說一卷復書一卷宋史本傳

陶熾字茂叔蕪湖人祖暘號敬齋從朱子游朱子為作敬齋銘熾幼承家學紹定二年成進士居官平易意常泊如景定初以中大夫直徽猷閣提舉建康崇禧觀講學東川書院卒諡文簡

太平府志

元姚和中當塗人世為儒家徵召不赴一時從遊甚盛如婺源汪澤民同邑李習李翼皆其弟子明宋濂跋姚氏墓銘述李翼之言曰當塗有四清徵君者碩士也四清蓋和中別號宋學士集

南冠志

明李習字伯羽當塗人治尚書考通諸經延祐四年領鄉薦授書院山長太祖渡江習偕其門人陶安迎謁年已八十餘矣即以爲太平府知府卒於官弟翼字仲羽兄弟齊名江左稱爲二

李吳萊稱習之文簡密嚴奧翼之文豐腴縹麗習有橄欖集五  
卷翼中延祐七年浙江鄉試官教授早卒子洙字宗泰學純行  
端爲余闕所禮重洙弟汶字宗茂明初召爲史館編修與修元  
史兩典文衡出爲南和令有善政

明史陶安傳

江南

張堅字彥誠蕪湖人永樂中進士選庶吉士讀書中祕得朱子  
勿欺二字歸以顏其室因號勿欺改知縣告歸非正人不交非  
經史不讀刻志求合於聖賢訓誨後學惟以正心誠意爲宗旨

卒年八十一

江南舊  
通志

謝理字一卿當塗人成化壬辰進士以養親不肯出仕昏定晨  
省湯藥親嘗嘗搆一室扁曰浩然著有周易春秋解東岑筆記  
前思錄東園集諸書

江南  
通志

葛環字惟敬蕪湖人讀書不廢寒暑尤研精性理性至孝事嫡



母如所生所著有學庸口義正蒙合注諸書

太平府志

韋學仁字春麓蕪湖人潛心慕道不事舉業所撰碑銘詩記甚

富晚精易理著上下解義萬餘言卒年八十三

太平府志

夏廷美字雲峯繁昌人耕田自力孝友忱恂甌山張緒招與講學一日緒命眾曰夫學學爲人也爲人須眞母假廷美憮然內

省曰吾得無眞耶益自刻責已從焦竑游漸知向裏自謂其胸

中素然如洗云卒祀金陵理學祠

江南舊志

王磐字晨岡游於湛若水之門遂以斯道自任郡縣訪謁不得

見學者稱晨岡先生

太平府志按縣分未詳

陶天允字汝健蕪湖人以歲貢授知縣未任以病終生平以窮

理明道爲己分內事著四書易經解

太平府志

從任字子美繁昌人精研性理與耿定向焦竑張緒爲莫逆交

倡道東南學者稱仁齋先生構藏書閣聚數萬卷淹貫博洽於  
天官律運戰陣醫藥奇門六壬皆得其要所著有古文策釋教

家二錄等書

太平府志

國朝王風字便朴當塗人潛心理學積數十年危坐會講常數十  
人風雪不輟施閨章寓書謂其所宗與尊德性而道問學相合  
非徒託空言者著丹湖天門諸語錄及詩古文行世

太平府志

葛之崇字維嶽當塗人少潛心宋五子書講學於池上之當仁  
館著述甚富自知死日至期沐浴而逝同邑王學伊字景山力  
學稽古著聖學王道全書江西涂孝感嘗以進

呈又著大易微言二十卷

太平府志

耿之珽字楮玉當塗人精易理不入城市者二十年著易理十  
二卷同邑陶制宜精研宋五子書尤粹於易著有學庸粹言

太平府志

府志

張明象字懸湛蕪湖人康熙時歲貢其爲人靜深有本博通經史晚年益究心程朱通易理著九經晰疑八卷周易上下卷行

世

太平府志

王天祚字卜年蕪湖人以歲貢訓導崑山構與成堂講學刑部尚書徐乾學極推重之著有管窺錄四書辨真槐蔭草行世同邑朱履素字行初經史子集靡不淹貫明顧錫疇嘗欽其學業以爲前賢當畏後生晚年尤耽於易著有易解及續枕香亭詩

集

太平府志

徐文靖號位山當塗人雍正元年舉人乾隆初薦舉博學鴻詞未入格十七年又薦舉經學

特授翰林院檢討文靖精於地理著山河兩戒考十四卷又因胡渭

貢錐指而推其所未至爲禹貢會箋十二卷又撰周易拾遺十四卷主程傳而亦發明漢魏諸家其管城碩記三十卷推原諸經以及子史說部鄞人全祖望極服其考據精博又有竹書統箋十二卷及皇極經世等書並詩賦集若干卷年九十餘卒全書提要 太平府志 以上舊志

趙萬隆字東田當塗舉人尙書朱珪重其品學禮爲子弟師珪主會試萬隆避嫌歸里閉戶著書以終當塗縣志 以下新修

朱敏聞字衣言當塗處貞嚴氣正性學有根柢及門成名者甚眾尤樂行善事鄉里化之著有退谷詩文集當塗縣志

夏鑾字德音當塗人少孤母李氏守節教養由優貢教習知縣改選徽州府訓導迎養數年告歸服闋再選原缺先後在徽十有四年專務篤行嗜程朱之書訓士極嚴有屈辱則必爲直之

嘗謂士習宜整頓士氣亦宜培養也府有兩紫陽書院久廢弛  
變爲清積弊裕膏火又每歲與同官捐施棉衣給貧者士民皆  
德之在家倡置義田義倉積育嬰資變通古法以籌久遠年七

十解官歸卒祀徽州府名宦當塗縣鄉賢祠

當塗縣志

芮曰松字次喬當塗舉人官廣西宜山知縣裁汰陋規尤良折  
獄罷歸主講翠螺書院闡明經義精考音韻著有禹貢地理今

釋當塗縣志

曾美基字養禾當塗舉人歷任盱眙宿松教諭沖和廉謹生平  
無疾言越色司鐸十餘年力興文教解任後主講翠螺書院

當塗縣志

縣志

李獻猷當塗歲貢品端學粹經史外兼通音韻算學悉由心得

動與古會子光泌庠生能世其句股法

當塗縣志

夏忻字心伯，壘長子，由舉人校錄官。吳江婺源教諭，保升內閣中書四品卿銜。生平服膺朱子以平湖陸氏之學爲歸，著有景紫堂全書十七種。同治開門人侍郎胡肇智以十六條附律易解檀弓辨誣述朱質疑三種進呈。

御覽奉年屆耄耋篤學不倦之

論著武英殿將所釋

聖諭十六條附律易解刊刻頒發，其在婺源借籌保障，別有儒林亦政

編二冊爲及門所訂

當塗縣志

夏炯字卯生，壘次子。少承父學，兄弟互相師友。治諸經注疏，旁及六書音韻，嘗著禮志屬草未定，父喪乃體玩宋元明以來諸大儒之書，發旨趣，辨誣謬，粹然一軌於正。其於經世之學如選法河務，釐政諸議論者，皆許之。著有夏仲子集。

當塗縣志

重修安徽通志卷二百二十一

人物志

儒林四

廬州府

漢許子威廬江合肥人爲中大夫光武少時從受尙書

章懷太子後漢

書注引東觀記

宋楊傑字次公無爲人少有名於時元豐中舉進士數任太常  
一時禮樂之事皆預討論嘗議僖祖配帝及四后升祔之禮從  
之范鎮樂下太常傑上言元豐中詔范鎮劉几與臣詳議郊廟  
大樂旣成而奏稱其和協今鎮新定樂法頗與樂局所議不同  
因著元祐樂議以破鎮說後鎮樂卒不用官終兩浙提點刑獄  
著有文集二十卷樂記五卷

宋史本傳并樂志

明蔡悉字士備合肥人嘉靖己未進士授常德推官築郭外六隄以免水患擢南吏部主事累官尙寶卿移署國子監嘗請立東宮又極論礦使之害有學行恬宦情仕五十年家食強半清操亮節淮西人宗之著有先後大學解御製敬一箴解

明史王歲傳

江南通志

胡鐸字君求舒城人孝友直方廬父墓三年當塗交薦後開輔仁講會闡明正學四方就教者以千數

明史孝義傳敘  
江南通志

沈桂字仲木無爲人潛心理學從湛若水鄒守益往復論難後成嘉靖丙戌進士知鄱陽縣調會昌撲滅山寇有功升工部主事忌者誣以黨籍未赴任卒著太極圖說及詩文等集

廬州府志

張綸字廷言無爲人博通五經尤邃於春秋潛心正學洞達天

人之蘊力攻釋老毅然不惑於其言著有林泉隨筆

明史藝文志  
無爲



州志

李錫字華仲巢縣人天啟時舉人崇禎閒廬風災荒饑以謁選入都慨然具疏請加賑恤署沂州學正著有四書講嘯月集

通志

國朝黃中字平子舒城人順治丁酉舉人不求仕進惟一意讀書

輯程朱語錄年譜方輿紀要著有雪瀑集論文瑣言

廬州府志

黃位中字其相廬江拔貢爲學不事章句務在闡明經學常端坐深思達旦不寐文章古茂偏秦漢而醇和淵雅得之聖經爲多所著有十七史考證或問語類性理諸書注釋及素菴等集

廬州府志

宋衡字伊平廬江人康熙乙丑進士選庶吉士改編修歷官侍讀學士韓莢見其文擬之葵陽具區丙子典試滇南稱得士視

學西蜀振拔孤寒嘗纂修顧憲成張柔等傳時稱實錄又嘗爲明末死難張宏任請祀名宦爲死難呂學望立傳增入邑志於

表揚忠烈尤汲汲焉

廬州府志

萬遇朝字鼎如巢縣人前明崇禎甲戌進士性孝友尤嗜學年八十手不釋卷所著有春秋幾筮卓觀堂詩文等集解官後居里中獨任牛稅數十年里人感之無復屠牛者

江南通志 巢縣志 以上舊志

志

姚長林字毅甫廬江諸生少孤事母孝乾隆乙巳歲饑疫作長林時年十四侍母疾終夜不眠晨出求醫藥枵腹行數十里經五十餘日始愈通易理能爲古文辭尤好洛閩之學跬步必謹盛暑常正衣冠日記所爲以自省察樂道人善不口人過族黨孤苦無依者宗祀中絕者孝子節婦未旌者竭力賙卹繼續表

彰之教人必以禮法從學者甚多

方宗誠相  
堂文集

所得館脩分濟寫

乏嘗助人殯婦費後知其紉轉加慰憫

廬江縣志  
以下叙修

李廷耀字薦揚合肥廩貢課徒講畫無倦兄廷輝以舉人校錄  
禹京廷耀綜理衣食五十餘口家庭無閒言族有構訟者願得  
一言以解選阜陽訓導有持金求報王生劣者峻拒之而戒生  
毋健訟卒爲善士著有學庸精粹禮記尙書釋義

合脫  
縣志

### 鳳陽府

漢施讐字長卿沛人爲童子時從田王孫受易後徙長陵王孫  
爲博士復從卒業謙讓常稱學廢不教授及梁邱賀爲少府適  
遭子臨分將門人等從讐問讐自匿不肯見賀固請不得已適  
授臨等於是賀薦讐結髮事師數十年賀不能及詔拜讐爲博  
士甘露中與五經諸儒雜論同異於石渠閣讐授張禹禹授沛

戴崇子平崇至九卿

漢書本傳

高相沛人治易其學亡章句專說陰陽災異自言出於丁將軍

傳至相相授子康康以明易爲郎

漢書本傳

鄧彭祖字子夏沛人受易於五鹿充宗爲真定太傅

漢書梁邱賀傳

翟牧字子兄受易於孟喜爲博士

漢書孟喜傳

朱普字公文九江人受尚書於平當爲博士

漢書林尊傳

唐林字子高沛人受尚書於許商王莽時爲九卿與王吉自表

上師冢大夫博士郎吏爲許氏學者各從門人會車數百兩儒

者榮之

漢書周堪傳

唐尊沛人受尚書於張無故

漢書張山拊傳

褚少孫沛人事王式問經數篇式謝曰聞之於師具是矣自潤

色之不肯復授褚應博士弟子摠衣登堂頌禮甚嚴

漢書王式傳

張邯九江人受詩於潁川滿昌至大官徒眾尤盛

漢書后蒼傳

陳俠九江人受毛詩於徐敖

漢書毛公傳

聞人通漢字子方慶普字孝公俱沛人后蒼說禮數萬言號曰

后氏曲臺記授通漢普普爲東平太傅通漢以太子舍人論石

渠至中山中尉普又傳族子咸爲豫章太守

漢書孟卿傳

蔡千秋字少君沛人受穀梁春秋於魯榮廣又事皓星公爲學

最篤宣帝時爲郎召見與公羊家並說上善穀梁說擢千秋爲

諫大夫給事中左遷平陵令復求能爲穀梁者莫及千秋上愍

其學且絕迺以千秋爲郎中戶將選郎十人從受

漢書環邱江公傳

嚴望九江人與兄子元字仲能受學於朱雲能傳其學皆爲博

士望至泰山太守

漢書朱雲傳

按漢沛郡治相九江郡治壽春江南通志於漢儒林傳所言

沛人皆入徐州府沛縣而於九江人概置不錄今從一統志

並載入鳳陽府

舊志

祝生九江人昭帝始元六年詔郡國舉賢良文學之士問以民所疾苦皆對願罷鹽鐵酒榷均輸與御史大夫桑宏羊相詰難至宣帝時汝南桓寬推行鹽鐵之議著萬言其辭有曰九江祝生奮史魚之節發憤懣譏公卿介然直而不撓可謂不畏疆圉

矣

漢書傳贊  
文獻通考

戴賓沛人劉昆受施氏易於賓教授弟子恆五百餘人

後漢書  
劉昆傳

桓譚字君山沛國相人博學多通徧習五經數從劉歆楊雄問故辨析疑異世祖卽位徵待詔以宋宏薦拜議郎給事中因上書陳時政所宜不省帝方信讖多以決定嫌疑又請賞少薄譚復上書言之帝愈不悅其後有詔會議靈臺所處謂譚曰吾欲

讖決之何如譚默然良久曰臣不讀讖復極言讖之非經帝大怒將斬之久之得解出爲六安郡丞初譚著書言當世行事二十九篇號曰新論世祖善焉其琴道一篇未成肅宗使班固積成所著賦誄書奏凡二十六篇元和中肅宗東巡狩至沛使使者祠譚冢鄉里以爲榮

後漢書本傳

謝曼卿九江人善毛詩迺爲其訓東海衛宏從之受學因作毛詩序

後漢書衛宏傳

召馴字伯春九江壽春人少習韓詩博通書傳以志義聞鄉里號之曰德行恂恂召伯春累仕州郡肅宗時拜左中郎將入授諸王帝嘉其義學恩寵甚崇出拜陳留太守入爲河南尹至光祿勳卒於官賜冢塋陪園陵孫休青州刺史

後漢書本傳

桓郁字仲恩沛郡龍亢人榮之子也敦厚篤學傳父業榮卒當

襲爵讓於兄子汎顯宗不許乃悉以租入與之遷侍中帝自制  
五家要說章句令郁校定於宣明殿入投皇太子經遷越騎校  
尉肅宗卽位遷屯騎校尉和帝時竇憲言郁白首好禮經行篤  
備遷長樂少府復入侍講轉爲侍中奉車都尉永元四年爲太  
常初榮受朱普學章句四十萬言榮減爲二十三萬言郁復刪  
省成十二萬言由是有桓君大小太常章句子普嗣傳爵至曾

孫後漢書  
桓榮傳

桓焉字叔元郁之仲子也明經篤行有名稱永初元年入授安  
帝三遷爲侍中步兵校尉順帝立爲皇太子以焉爲太子少傅  
遷太傅卽位拜太傅錄尚書事復入授經禁中封陽平侯固讓  
不受歷官至太尉弟子傳業者數百人後漢書  
桓榮傳

桓彬字彥林焉之兄鄆孫也父麟字元鳳早有才思桓帝初爲



議郎侍講禁中以直道牾左右出爲許令母終不勝喪而卒所著碑誄讚說書凡二十一篇彬少與蔡邕齊名初舉孝廉拜尚書郎爲中常侍曹節所怨竟以廢卒諸儒莫不傷之所著七說及書凡三篇蔡邕等其論序其志有過人者四迺其樹碑而頌

焉

後漢書桓榮傳

鮑駿九江人初與丁鴻共事桓榮甚相友善鴻讓封於弟盛不報乃逃去與駿遇於東海佯狂不識駿駿讓之曰春秋之義不以家事廢王事今子以兄弟私怨而絕父不滅之基可謂智乎鴻感悟迺還就國駿亦上書言鴻經明行修志節清妙顯宗甚

賢之

後漢書丁鴻傳章懷太子注引續漢書

施延字君子沛國廝人明五經星官風角靡有不綜家貧母老常詣吳郡海鹽取卒月值賃作半路亭父以養母時馮敷爲督

郵知其賢下車入亭請與飲食脫衣與之餉錢不受舉有道高

第爲侍中順帝陽嘉二年以大鴻臚代龐參爲太尉

舊注後漢書順帝紀

按紀文惟有以大鴻臚爲太尉事餘俱不載

齊劉瓛字子珪沛郡相人晉丹陽尹惔六世孫也祖宏之給事

中父惠臨賀太守

齊書云治書御史

瓛篤志好學博通訓義宋時舉秀

才兄璉已有名先應州舉除奉朝請不就與弟璉兄弟三人共

處蓬室習業不廢丹陽尹袁粲聞而詣之指廳事前古柳樹曰

人謂此是劉尹所樹每想高風今復見卿清德可謂不衰矣袁

粲死節瓛微服往哭高帝踐阼召問政道答曰政在孝經帝咨

嗟曰儒者之言可寶萬世欲以國子博士用不拜後以母老闕

養拜彭城郡丞當世推爲大儒以比古之曹鄭瓛有至性祖母

病疽經年手持膏藥漬指爲爛母孔氏謂親戚曰阿稱便是今

之曾子稱璣小字也卒後梁天監元年詔爲璣立碑諡曰貞節

先生

南史本傳

劉璣字子璣璣之弟也方軌正直儒雅不及璣而文采過之璣元初爲武陵王冠軍征虜參軍王與僚佐飲自割鷄炙璣曰膳夫之事殿下親執鸞刀下官未敢安席因起請退璣夜隔壁呼璣下牀著衣立然後應璣怪其久答曰向東帶未竟其立操如此文惠太子召璣入侍東宮尋署射聲校尉

南史劉璣傳

唐裴懷貞壽春人少與滁州邢文偉和州高子貢俱以博學知

名於江淮間

舊唐書邢文偉傳

元周楨字子幹安豐下蔡人操行端簡經史淹通以儒業任安

豐路判官歸老手不釋卷

江南通志

明石璟字廷用臨淮人成化辛卯舉人見聞該博學有淵源

江南

志道

鄭斐字非文壽州人理學湛深里中無長幼咸稱鄭先生訂正

喪禮一編尤爲簡要

江南通志

國朝張介字受之壽州歲貢篤志聖賢之學司訓潛山士風丕變

江南通志

陳赤字懷丹壽州人事親盡孝力學篤行所著有周易解及詩

文集

江南通志

許侯字敬菴懷遠歲貢富文史尤嗜近思錄非學道之士相對不作一言有所論難風發泉涌弟佑字啟人歲貢方苞嘗見其文甚稱賞之閉戶潛修時語人曰吾家白雲先生不教人科舉之文謂是義理所由辨吾謂科舉文亦有義利之分如金正希文自是成仁取義者所爲項水心文艾千子謂是敗壞心術之

作是也兄弟皆有古儒者風

廣遠縣志  
以上舊志

呂緝熙字敬甫壽州廩生通諸子百家繼悟正學潛心義理著有求志綱目語存液諸子述醇述孟子程子晰疑大學約旨讀

四書集注同治年祀鄉賢

壽州志  
以下新修

王存康字范泉宿州廩生潛心濂洛關閩之書說經尤精於易著有易筮數十卷內行敦篤處骨肉之艱彌形友愛鄉黨稱之

宿州志

### 潁州府

漢桓寬字次公汝南人治公羊春秋宣帝時舉爲郎至廬江太守丞博通善屬文推行鹽鐵之議增廣條目極其論難著鹽鐵論十卷亦欲以究治亂成一家之法焉

漢書傳贊  
及師古注

張酺字孟侯汝南細陽人少從祖父充受尙書能傳其業充與

光武同門學光武卽位求充充已死永平九年顯宗爲四姓小  
侯開學於南宮置五經師酺以尙書教授數講於御前論難當  
意除爲郎賜車馬衣裳令入授皇太子以嚴見憚肅宗卽位擢  
爲郎中出爲東郡太守元和二年東巡狩幸東郡引酺及門生  
掾史會庭中帝先備弟子之儀使酺講尙書一篇然後修君臣  
之禮和帝初遷魏郡太守永元五年遷太僕數月爲太尉以事  
策免復拜爲光祿勳爲司徒月餘薨乘輿編素臨弔賜冢塋地  
曾孫濟字元江好儒學光和中至司空卒贈關內侯封其子根  
爲蔡陽鄉侯濟弟喜初平中爲司空

後漢書  
本傳

戴憑字次仲汝南平輿人習京氏易年十六郡舉明經徵試博  
士拜郎中公卿大會羣臣皆就席憑獨立光武問之對曰博士  
說經皆不如臣而坐居臣上帝召上殿與諸儒難說帝善之拜

侍中後兼領虎賁中郎將正旦朝賀百僚畢會帝令說經更相  
難詰義有不通輒奪其席以益通者憑遂重坐五十餘席故京  
師爲之語曰說經不窮戴侍中

後漢書  
本傳

廖扶字文起汝南平輿人習韓詩歐陽尚書教授常數百人州  
郡公府辟召皆不應最明天文識緯風角推步之術逆知歲荒  
聚穀數千斛悉給宗族姻親又斂葬遭疫死亡不能自收者常  
居先人冢側不入城市人稱北郭先生卒年八十二子孟舉偉

舉並知名

後漢書  
本傳

唐李敬元亳州譙人該覽羣籍尤善於禮高宗在東宮馬周薦  
其才召入崇賢館侍讀假中祕書讀之咸亨二年歷官至同中  
書門下三品監修國史進吏部尚書儀鳳元年拜中書令封趙  
國公以戰渰川爲吐蕃所敗貶官卒於揚州長史任所贈兗州

都督諡曰文憲撰次禮論及他書數十百篇子思冲官羽林將軍從節愍太子誅武三思見殺次子守一爲郾令敬元弟元素爲武德令刺史李文暉爲調民黃金造常滿尊以獻元素固爭以私財助民延載初官至同鳳閣鸞臺平章事爲武懿宗構死

唐書本傳

宋尹拙潁州汝陰人梁貞明五年舉三史後唐長興中召爲著作佐郎歷官兼御史大夫檢校虞部郎中晉天福中與張昭李琦同修唐史周顯德開拜檢校右散騎常侍國子祭酒通判太常禮院事與張昭同修唐史及周祖實錄又與昭及田敏詳定經典釋文世宗北征命翰林學士爲文祭白馬祠不知所出訪於拙歷舉郡國祀白馬者以十數時服其博入宋改檢校工部尚書遷祕監判大理寺以本官致仕子季通國子博士

宋史本傳



明薛蕙字君采亳州人正德甲戌進士授刑部主事諫武宗南  
巡受廷杖引疾歸起故官改吏部歷考功郎中大禮議起蕙撰  
爲人後解爲人後辨合數萬言上於朝帝大怒下鎮撫司考訊  
已貶出之會亳州知州顏木得罪給事中陳洸外轉疑由蕙乃  
誣蕙與木同年相關通疑有奸利詔解任聽勘蕙遂南歸旣而  
事白吏部促蕙起蕙以璵萼方用事堅不肯出學者稱爲西原  
先生所著約言西原集解太甯齋目錄五經雜錄考功集

明史本傳

通志

汀南

盧翰字子羽潁州人嘉靖甲午舉人博極羣書研覈精當自成  
一子父卒廬墓三年服闋任兗州府推官雪冤獄著膝邑廉得  
巨盜出沒蹤跡盡擒之又署曹邑抗檄發賑全活萬人齊魯士  
受業門下者數百人告歸閉戶著書尤精於易

聖祖仁皇帝御纂周易折衷曾採其說汝穎淮泗之間有學行者多出

其門著有周易中說四十四卷

江南通志  
潁州府志

李梓字必恭蒙城人五世同居爲諸生研思孔孟豁然有悟著書數萬言無所不包而冠以太極一貫之旨使學者由博反約與弟武安令朴同心考證無間寒暑子惟一官婺源訓導能世其學剛而修之刊書行世

江南通志  
潁州府志

國朝劉體仁字公猷潁州人順治乙未進士授刑部主事於疑獄多所平反遷吏部考功郎中時鞏下詞人畢集體仁頡頏其間眾皆推讓請假歸不復出藏書數萬卷日手一編過目成誦至性過人嘗聞關數千里措二千金贖族叔妻子之沒官者喜賓客急友朋世多以豪傑目之及至其家孝友睦嫺恂庸行中人

也所著有七頌堂集頌紀識小錄諸書

江南通志  
潁州府志

劉倚藩字心室潁州陳生銳意於詩古文辭尤精於史上下古今論斷皆有卓識與壽春鄧元昭善元昭居史館欲及引之謝不顧卒年八十八所著有鑑斷十二卷續同書四卷莊菴詩文

合集二十卷

潁州府志

甯世魁字敬仲潁州增廣生嗜古文辭尤崇正學所著有周禮注六卷儀禮注十七卷禮記類編二十卷左傳詳釋十卷宋元

詩集注四卷

潁州府志

連斗山字叔度潁州人著有周易辨畫四十卷其說專主卦畫立義逐卦詳列互體剖析微妙頗有合於精理未有輯圖一卷則卽朱子舊圖而稍損益之

四庫全書提要  
以上舊志

樂容字德輝太和諸生以主敬爲學以小學爲教輯敬學淵源錄發明整飭身心世道之意咸豐初土寇起愧見之相戒不入

其里

太和縣志  
新修

滁州

唐邢文偉全椒人以博學聞成亨中歷太子典膳丞時孝敬在東宮罕見宮臣文偉輒減膳上疏孝敬優答之由是知名後右史缺高宗謂侍臣曰文偉切諫吾兒此直臣也遂授之武后時遷鳳閣侍郎至內史後坐善宗秦客貶珍州

舊唐書  
本傳

明樂韶鳳字聖儀全椒人博學能文章謁太祖於和陽從渡江參軍事洪武初授起居注歷兵部尚書定教練軍士法改侍講學士與詹同董正釋奠樂章又撰祭祀駕還樂曲神降祥神祝惠等三十七章曰回鑾樂歌皆寓規諫帝以舊韻出江左命與廷臣參考中原雅音正之書成名洪武正韻又考訂陵寢朔望祭祀諸禮儀詳稽故實俱從之尋病免復起爲祭酒致仕歸以

壽終弟暉禮教皆知名暉開封知府禮太常卿教諸暨同知

志明  
史本傳

朱勛字汝德滁州人受業於王守仁涵養沈邃以貢授安福訓導掌白鹿洞事歷泉州府教授致仕歸當事者皆式其廡所著有遜泉集同州田鼈字蒙泉亦守仁弟子官汝甯府教授著有

倦吟集

滁州志

郝孔昭字起潛萊安人隆慶辛未進士知常山縣以治里豪徐姓者不法事爰中傷歸著有四書詩經講義式蒙初稿論草策

穀諸書

萬姓統譜  
江南通志

王化振字宇春滁州人萬歷己酉舉人官至戶部主事周汝登之門人也汝登傳王氏之學化振師事之故所得於姚江者深

著有諸儒要語九卷

四庫全書存目  
以上舊志

和州

唐高子貢歷陽人弱冠游太學徧涉六經尤精史記舉明經歷  
 祕書正字宏文館直學士鬱鬱不得志棄官歸徐敬業兵起以  
 五千人徧和州子貢率鄉曲數百人拒之以功授朝散大夫拜  
 成均助教東莞公融曾為和州刺史從子貢受業及為申州謀  
 起兵匡復令黃公譔見子貢推為謀主謀泄坐死唐書邢文偉傳  
 何恭和州人事父母孝學於太學歲一歸父母不許閒二歲乃  
 歸復不許凡五歲慨然以親且老揖諸生去乃其閉蕃空舍中  
 眾共狀其義行白國子司業陽城請畱會城出為道州刺史蕃  
 率太學諸生二百人頓首闕下請畱城數日不得上柳宗元聞  
 之嘉其行道遺之書初朱泚反諸生將從亂蕃正色叱之故六  
 館之士無受污者韓昌黎為之傳曰蕃純孝仁勇人也蕃居太

學二十年有死喪無歸者皆身爲治喪

唐齊陽城傳

宋錢藻字莘老武肅王鏐之五世孫也曾祖儼昭化軍節度使守和州卒詔葬和州子孫因家焉藻應說書進士賢良方正直言極諫皆中選文辭閑放雋偉名動一時歷官翰林侍讀學士初爲旌德尉又通判秀州知婺州鄞州皆治最爲祕閣校理屬英宗之初慈聖光獻皇后聽政三上書請還政天子後封仁和縣開國伯賜金紫卒於位藻少學於胡瑗瑗門弟子首藻云

首南

豐集墓誌銘

明王元吉字德修和州人以貢歷官復州衛教授居官先志節後文藝家居杜門著述自娛少師周怡耿定向以躬行聖學爲己任仁義道德爲根本性孝友侍父疾顙天嘗糞疾果得愈至如還遺金焚借券等事不可勝舉人稱竹岡先生所著有克復

錄心鑑行世

江西南昌通志

成清字介甫和州人以貢歷仁和教論研究理學訓士有法著道學淵源集人稱初水先生又含山汪沛以副榜授貢溪訓導

崇尚理學以博洽稱

江西南昌通志

蔣清字源潔含山人正德閒以貢知密雲縣絕苞苴伸冤獄以忤中貴解任百姓如失父母改江西都司斷事能決疑滯致仕歸平生勤學博考天文地理皆領其略尤通樂律嘗謂古今樂害或失之駁失之簡失之繁允欲訂正爲一編以提其要又謂近思錄乃聖學淵源欲爲注釋以發明之惜未幾卒稿散佚不

傳

和州志以上舊志

廣德州

朱查深字道源廣德人隱居力學治平閒郡守錢公輔疏其行



誼薦於朝力辭不起乃爲築堂於城西玉溪之上名曰清容  
教郡人子弟循循善誘儒風日振學者稱清容先生有文集二

十卷

南畿志  
萬姓統譜

明錢用壬字成夫廣德人元南榜進士第一授翰林編修使張  
士誠爲所畱太祖下淮陽來歸累官御史臺經歷預定律令尋  
與陶安等博議郊廟社稷諸儀其議釋奠每歲仲春仲秋上丁  
以丞相初獻翰林學士亞獻國子祭酒終獻上從之又論來春  
舉行藉田用壬言漢以藉田之日祀先農由晉至唐宋相沿不  
廢今議耕藉之日皇帝躬祀先農禮畢躬耕藉田以仲春擇日  
行事從之拜禮部尙書告歸

明史陶安傳  
兼採禮志

謝士貞字彥貞建平人永樂中以明經任本學訓導循循善誘

邑人知學皆其教也年九十卒

江南通志

濮陽涑字真菴廣德人嘉靖丁酉舉人公車時值楊繼盛以忠諫死涑素服往哭幾被禍通判南昌平花園積寇復豐城劫盜積穀備賑全活者眾致仕歸學宗伊洛所著有四書禮記貞義韻學大成圖書性理訂疑

江南通志  
廣德州志

夏思字睿甫廣德人少苦學隆慶庚午舉人王錫爵奇其文延爲子衡師官瑞昌教諭遷禮部司務以請建儲忤旨歸著有約

言編還初錄

江南通志

王維謨字正甫廣德人家貧篤學從鄉守益講貫學者稱心絃先生年八十五著有禮經主意

廣德州志

國朝雲中官字軒臣廣德人康熙癸未進士性本恬淡不樂仕進時有欲援之入庶常者力辭南歸後補中書舍人亦不就嘗授經他省歲暮歸主人強納金於行笥要以明年復往不果欲還

其金無便臨歿出金屬其子必寄之封識如故已六年矣子輝  
粵亦博學能文著有古文從吾錄古詩鼎選早卒

江南通志  
廣德州志

以上  
舊志

### 六安州

晉杜夷字行齊廬江潯人世以儒學稱爲郡著姓夷少淡泊操  
尙貞素博覽經籍百家之書算儀圖緯靡不畢究惠帝時三察  
孝廉州命別駕永嘉初徵拜博士並不就刺史王敦舉夷賢良  
方正迫之赴洛逃於壽陽尋寇亂渡江元帝特立儒林祭酒官  
以夷爲之又除國子祭酒皇太子三至夷第執經問義明帝卽  
位自表請退卒贈大鴻臚諡曰貞子遺命子晏以角巾素衣斂  
所著幽求子二十篇行於世晏仕至蒼梧太守夷兄弟三人兄  
崧字行高亦有志節惠帝時俗多浮僞著任子春秋以刺之弟

援高平相援子潛右衛將軍

晉書本傳

梁何佟之字士威廬江潯人晉豫州刺史憚六世孫祖邵之宋員外散騎常侍父歆齊奉朝請佟之少好三禮師心獨學強力專精手不輟卷仕齊爲國子助教爲諸王講喪服結草爲經屈手巾爲冠都下稱醇儒有至性父母亡後常設一屋晦朔拜伏流涕者二十餘年東昏卽位謝病不出梁武帝踐阼以爲尙書左丞時百度草創佟之依禮定議多所裨益卒於官故事左丞無贈官者帝特詔贈黃門侍郎儒者榮之所著文章禮儀百許

篇

南史本傳

陳何之元廬江潯人幼好學有才思居喪過禮爲梁司空袁昂所重天監末表薦之累除信義令王琳立蕭莊署爲中書侍郎令赴弔於齊至壽春而王琳敗齊以爲揚州別駕陳始興王叔

陵以書招之遂至湘州爲諸議參軍叔陵得罪之元乃屏絕人  
事銳精著述起齊永元迄於王琳之敗爲梁典三十卷分爲六  
意又以魏事有相涉者以魏未分前爲北魏既分後爲東魏西  
魏頗有凡例陳亡乃移居常州晉陵縣隋開皇時卒

陳書本傳

明潘子嘉號汝亨六安選貢從湛若水講學性孝友待異母弟  
推財讓產隱居青山所著有太極圖解西銘定性解惺菴記心  
性圖存心盡性圖說年三十卒若水以文奠而哭之

六安州志

國朝黃卷字石渠六安廩貢性耿介不欺暗室嘗語學者曰慎獨  
二字聖賢真命脈我生平得力在此所批有左氏春秋史記及  
南華經淡於仕進惟以此數書自娛卒年八十二

六安州志

鄧日政字在虞霍山人乾隆閒貢生少穎敏讀書十行並下中  
年偶墮階傷足遂絕意進取閉戶著書二十餘年經緯史恥

爲風雲月露之詞沈浸宋五子書而撮其精粹著有周易精義  
十二卷四書集粹八十四卷大事類紀綱目百八十卷葬敘錄  
三百卷昭明文選集解五十卷稿藏數櫃其子舉人之駭守之

六安州志  
以上舊志

泗州

宋李健招信人官國子博士著易說

江甯通志

國朝李沛霖字岱雲盱眙庠生留心理學著有朱子異同條辨四  
書輯要釋義經注合參學者宗之弟兆恆與兄同纂刻不倦

盱眙志

郜坦字克寬五河貢生志行端方通經汲古著有春秋集古傳

注二十六卷

五河縣志  
以上舊志

王效成字子頤躬貽貢生母喪廬墓遂經術善周易毛詩研貫

漢宋諸儒之說教人以訓詁爲始謂解經不如研經經愈研則  
精義愈出縣人知治經史窮性理實自效成發之著有伊蒿室

集

盱眙縣志  
新修

重修安徽通志卷二百二十二

人物志

文苑

安徽跨皖江南北稱人文淵藪皖人承紫陽之緒多爲理學爲經學其次乃稱文章曹植張籍漢唐文章之派既在皖北至我國朝方苞劉大櫚姚鼐遞授文法學者多歸嚮之號桐城派傳之江南昌之江西流行於廣西漸瀆於湖北湖南山西貴州而桐城文派幾徧於天下其說謂義理詞章考據三者不偏廢必義理爲質而後文詞有所附考據有所歸近世學子蓋承用此說至諷詠篇章語多溫厚無纖靡之習又其質性然也述人物志文苑傳

安慶府



唐曹松字夢徵舒州人天復初與王希羽劉象柯崇鄭希顏同登第年皆七十餘號五老榜時昭宗新平內難特授校書郎制曰念爾登科之際當予反正之年宜降異恩各膺寵命集三卷

今傳

唐詩紀事  
唐才子傳

楊顯宿松人工書史善吟咏羅隱避黃巢亂僑寓其家倡和甚

多

江南  
通志

宋王珪字禹玉舒州人自成都華陽徙舉進士甲科積官至侍讀學士先是三聖並侑南郊而溫成廟享獻同太室以珪言始專以太祖侑於郊而改溫成廟爲祠殿嘉祐立皇子召珪作詔珪曰此大事也非面受旨不可明日請對曰海內望此舉久矣果出自聖意乎仁宗曰朕意決矣珪拜賀始退草詔英宗立當撰先帝謚珪言賤不誅貴幼不誅長故天子稱天以誅之請令

兩制其議從之元豐五年拜尚書左僕射兼門下侍郎哲宗立

進金紫光祿大夫封岐國公卒贈太師謚曰文

宋史本傳

李公麟字伯時舒州人第進士歷官中書門下後省刪定官御

史檢法好古博學多識奇字鍾鼎尊彝皆能考定世次辨測款

識紹聖末得玉璽言人人殊公麟曰秦璽用藍田玉今色正青

以龍蚓烏魚爲文玉質堅甚非昆吾刀蟾肪不可治真李斯所

爲不疑議由是定以病痺致仕歸老龍眠山雅善畫尤精人物

黃庭堅謂其風流不減古人然因畫爲累故但以藝傳云

宋史本傳

按舊志又采廬州府志傳文載入名宦而誤注宋史今刪

李元中桐城人元祐中舉進士工書翰與李公麟李亮工同時

登第世謂龍眠三李亮工與蘇軾黃庭堅咸有倡和

一按志安慶府志

王日休字虛中舒州人善教誨先遵小學後及寫字讀書治經

閻史作文井井有條著易解春秋解春秋名義養賢錄

宋史藝文志

萬姓統譜

吳栗字子寬望江人紹興中詔求直言栗極論時政得失忤時

相編管台州後任南康司戶陳賈趙彥逾等薦其文章典麗可

備著述不報棄官歸

江南通志

元馮三奇懷甯人至順間進士任光山尹遷翰林編修預修宋

遼金三史

一統志

賈良宿松人工文章篤於風義余闕嘗延入署訓其子弟闕闈

門殉節良爲文紀其事後藉以徵信焉

一統志

吳翱望江人嗜學工文至正間三秀堂譙樓諸記皆其屬筆

江南通志

通志

羅汝成字甫成望江人以明經掌本學教素行足以服人其文

著見者猶存程宗傑惠政一碑

江南通志

明丁向

一作相

懷甯人以歲貢入太學仕順德府通判長於詩著

老女吟數十首以自況一時爭傳誦之

江南通志

金一梅字元夫潛山人好學能文絕意仕進率子弟敦尚詩書

著有天香館集

江南通志

吳泰字碧溪本姓汪宿松人以選貢歷武岡守嘗游吳雪夜吟

梅花詩百首時競傳焉著有碧溪集行世子之翰以貢任井陘

令文章政績卓有父風

江南通志  
安慶府志

金藻字尚章潛山人正德癸酉舉人與兄慕倡明理學著有省

克語錄

安慶府志

金瑀潛山人嘉靖乙酉舉人從父燕文學傾一時瑀名與頡頏

藏書五萬卷沈酣其中善詩歌與同邑徐桂唱和有集行世晚

知德興縣有惠政

江南通志

龍映字仲光望江人嘉靖閒以貢知穀城縣偉貌雄辨詞賦傾一時翰林朱大韶游映門輯其稿爲兩山集又所修邑志眾咸

推文獻足徵

江南通志

高漸字進之懷甯人性孝髫年值母病額天願以身代以選士入對高等判廣安鬱不得志卽投効歸廣安人至今思之孫必

光亦博學所著有澗山集經辨纂行世

安慶府志

程之魯字禹璜懷甯人博學善文千言倚馬困於場屋遂棄帖括益肆力詩古文後以貢歷溫江教諭所著有文春山房稿

江南通志

安慶府志

范崇仁字半醒桐城諸生年九十猶能口誦古書數千卷時趙銳年六十而病目曰天其息我博也崇仁曰我多君三十年我

以口寫君以耳觀天烏能息之

江南通志

汪萬頃字叔度桐城貢生官教諭博學多才工詩文讀書投子寺寺井因俗洗垢而涸時歲旱萬頃爲文告井水遂湧出亦一

異云

江南通志

侯珣桐城諸生嘗衍蘇氏迴文詩周旋出入表正方圓共得八百首其爲文閎肆秀麗以煙霞娛志終身不仕有隱君子風

通志

金憲字廷紀潛山廩生自少爲詩歌古文筆不加點家多書史吟咏自得著有思補亭集天香館詩二十餘卷行世弟表亦工

文集

江南通志按思補亭集又見隱逸全藝傳

黃朝相字六仲潛山諸生十歲能詩輒琳瑯可誦其文與行不求人知著作盈笥惜燼於寇

江南通志

阮自華鵠之子也萬曆戊戌進士歷官戶部郎權稅德州著廉幹聲父鵠以望謫奪官伏闕陳情卒得昭雪平生力學嗜古主盟騷壇東海屠隆錄四君子詩自華居其一後官慶陽守築室祀李夢陽作懷賢賦以示仰止乞休歸日與海門諸子觴詠以娛晚節卒年七十九著有霧靈集行世

江南通志  
安慶府志

錢可久字思畏桐城人詩才俊逸嘗游西湖扣舷高歌旁若無人泛楚江下金陵嘯咏畱連一時推爲風雅之冠

江南通志  
安慶府志

舊志  
新移

阮之綱字南阮懷甯人澹然塵外詩文卓爾不羣尤工草書人以爲不亞旭素云

江南通志

容士賓字寅主懷甯庠生髫年賦四時歌行古雅可誦後益奇縱幽異長編輒百餘韻所著有荃園草詩集

江南通志

章一陟字伯伊潛山貢生知永春縣礦璫至一陟不肯屈遂免

歸著有率真稿歸田漫錄

安慶府志

姚康原名士晉字康伯桐城諸生博通經術肆力詩古文崇禎

中舉賢良方正不就史可法鎮皖延爲記室所著詩文甚富

通志

王世薦字見思潛山庠生博極羣書自經史子集外天文律呂

地志稗官靡不淹通詩歌力追漢魏盛唐爲文落筆疾如風雨

所著有華燬集

江南通志

金道合字洞觀潛山人嗜古博學弱冠卽馳聲藝苑後以貢司

訓餘姚與寅亮王思任倪元璐相友善得俸盡以市書移論黃

州與邑令爭雪諸生冤不合卽告歸所著有瑤草山房集史評

集杜共八十餘卷行世

江南通志



葉燦字以冲桐城人萬曆癸丑進士授編修遷國子司業士習  
浮夸燦爲開示明理進以古學因忤魏瑞落籍崇禎初起翰林  
掌院教習有方歷升禮部尚書致仕歸卒年七十八謚文莊著  
有讀書堂稿天柱集廡下草子士璋戶部郎士瑛進士能世其  
學

江南通志  
安慶府志

馬士式字月川太湖貢生善古文辭初官登封教諭薦擢本縣  
令大著廉聲以病乞休歸所著有四書正業詩經講義卒年八

十餘

江南通志  
安慶府志

蔡呈圖太湖庠生築室讀書所著有天文律呂讀易解八陣圖  
說後避亂山中借爲土賊所害

安慶府志

宋宜中字正字太湖諸生家貧不能購書每借讀信宿輒還無  
不成誦嘗夜與友行經古碑下手按一過記誦無遺所著皆古

博奧行士林宗焉

江南通志

石譽字試菴宿松歲貢讀書必以躬行實踐爲務凡日用常行  
信口陳說皆成格言里中化之卒年八十六惜所著皆燬於兵

江南通志

洪雲翼字望冶懷甯人博洽工文萬厯中以貢知宣平縣有廉  
能聲致仕歸僅以賣文自給卒年九十三

江南通志

方誠字次公桐城人通六經工詩畫善岐黃寓舒城之桃溪著

有蘭皋集

廬州府志

新舊志流寓

田有年字孫若宿松人崇禎庚辰進士授職方主事遷員外郎

時兵荒浠告籌度幾務多所陳奏上爲改容轉浙江驛傳副使  
署臬象政舉之暇召生童課藝刻大觀集造就人材以乞養歸  
築清貽館與弟逢年詩文倡和所著有毛詩箋疏十三經纂注

行於世

浙江通志  
江南通志

吳國琦字公良桐城人崇禎辛未進士知蘭溪縣有白蘭及麥秀兩歧之異邑士大夫作玉蘭詠瑞麥頌以紀其事後爲漳州推官平反沈獄八百餘案擢兵部主事時國家多難乃著渡江九策每策千餘言皆切中時務國琦幼稱純孝曾割股愈父疾晚致仕歸文名愈重所著有水香閣集懷茲堂詩文集尚書音易占禮略諸書子宏安順治壬辰進士

江南通志  
安慶府志

王國瞻字碩慰懷甯人讀書斷自漢唐以上不妄與人交一與定交卽性命與之崇禎戊辰選入南雍著述愈富後憂憤時事作詩以傷之鬱鬱以卒

安慶府志

梁世祥字雍伯懷甯貢生授南靖知縣改霍山學博精治六書

工反切著有楚詞毛詩輯韻

安慶府志

吳應章字與甫桐城廩生與弟應賓齊名應賓每自謂不及所著有待蘊集同邑諸生李遇芳家徒四壁嘯咏不輟所著有棲

霞閣集行世

安慶府志

范世鑑字子明桐城諸生性嗜學穿穴六經於漢宋諸儒訓詁多有駁正同邑趙相如字又漢與范齊名學者稱范經趙史范遭寇亂卒於金陵遺文散佚趙著治平十二策擬伏闕上之道阻不達抑鬱而死遺稿有鑑略史約事類偶記載圍詩文集諸

書

安慶府志

方若洙字劬生桐城歲貢嘗評定古今文數千卷纂其精要而甲乙之晚因寇偏感慨時事著軍城歌一卷可當詩史又有闕

津江瑟諸草

安慶府志

方其義字術之孔炤仲子也少爲邑諸生以時方用兵遂棄舉

業畱心經濟復社幾社通儒碩學推服無異辭又趨健善射從

孔炤撫楚爲前鋒八戰八捷京師陷縱酒悲歌以死

安慶府志

吳道約字博之桐城諸生棄去專力於詩世當多故託詩寫之

凡關塞壁壘車戰水軍屯田馬政莫不鋪陳韻語剖悉原委甲

申後隱居所作多畱連光景之言

安慶府志

齊維程字子安桐城人十三通經史尤好讀離騷窮究樂府故

其詩多漢魏之音方孔炤撫楚延之入幕奏疏書劄露布不煩

起草卒年二十九時人擬之王勃李賀兄維嶽亦齊名而敏捷

遜之同族又有齊鼎名者博學多才著史略五十卷

安慶府志

吳日永字南蒼桐城諸生嘗作金陵懷古擬盛唐諸名家詩名

噪一時卒年二十四所著有昇元閣集

安慶府志

王之聘字應之宿松諸生博聞強記司訓安仁與諸生參究天

人之旨著有先醒園集

安慶府志

劉應召字元禮宿松諸生築百花春館日夕吟咏著有四書箋

注之粵草

安慶府志

張列宿字環北大湖增生博極羣書所著有易醒皖江集行世

安慶府志

姚實虞字伯功桐城廩生博通經籍工詩古文著有硯雨軒四

書折衷易經辨偽三禮辨通四箴堂詩文集

桐城縣志

王振基字爾玉潛山貢生弟揚基並以才名著崇禎中寇踞邑

里眾避萬淵山振基設計捍衛衣食之全活無算所著伊洛薪

傳麟經指掌等書遠邇傳誦卒年八十一赴弔者數千人

江南通志

安慶府志

楊臣諍字古渡桐城人博聞強記甲申後棄舉業一意著述有

禹貢箋禮經會元等書行世卒年七十九

安慶府志

馬之璋字平若桐城人崇禎時舉孝廉方正不就嘗撰崇禎事略一編吳偉業跋之謂較寶應王世德崇禎遺事為詳實故其所作綏寇紀略多取資焉

桐城縣志

吳時逢字素夫桐城諸生志行高潔著述繁富詩有西苔近業

霞濤集紅泉社弓行素四則不求聞達各草甲申後復有吳越

廣陵江漢各吟又武舉吳應琪字景孟甲申後放懷詩酒著求

存室詩稿

桐城縣志新編

吳應鍾字幼元懷甯舉人肆力於古文辭旁采秦漢家奇言非

深思不能得其句讀詩至大歷以下無取焉卒祀鄉賢

懷甯縣志新編

國朝姚孫森字繩先桐城人博學工文公卿爭折節禮之明末舉

孝廉方正順治初署龍泉教諭課士先道德而後文藝移疾歸

著有可處堂集

江南通志

左國材字子厚光斗子也少爲諸生有名與金聲陳子龍方以智等相友善流寇闖桐國材請於史可法調安池兵增戍守邑得以全馬阮秉政重修三朝要典國材詣闕上書直陳其惡幾罹禍更名櫟隱居龍眠當路欲求一見不可得所著有越巢詩古文集二十卷易學詩學杜詩解頤及雜著數百卷藏於家統

志安慶府志

錢秉鐙一名澄之字飲光桐城諸生名藉甚以避黨禍至震澤遇兵妻方氏死之秉鐙跳身南避崎嶇閩越閒披荆爲僧亂定歸結廬田閒一意著述所著田閒易學詩學莊屈合詁及詩文集徐乾學爲刻之於蘇州卒年八十二

安慶府志



王延造字深之潛山人博習羣書工詞賦會上六書於史可法  
又游黃道周譚貞默之門貞默與之著見聖篇二十一史說晚  
築博易齋專事著述有周易講義兼山堂集史學三筆醫家圖  
說星卜要訣行世

江南通志

吳邦柱字公肇懷甯人前明歲貢生

國初屢與纂修當事者推爲文獻初仕祁門學博升樂平知縣不  
就歸鄉教授諸史百家悉窮底蘊大叩小叩無不得其意以去

安慶府志

方元成字孝標順治己丑進士選庶常歷官侍讀學士著有易

論光啟堂文集遜齋詩集

桐城縣志

江同海字觀卿懷甯人讀書過目成誦順治丁酉鄉薦試官以  
閹事得罪死一榜覆試眾皆震懾同海獨意定神閒所作稱

自己亥春再覆試亦如之辛丑成進士以候選歸杜門謝客手不釋卷

授襄陽令病不能赴遂卒所著以貧不能刻多散佚焉

安慶府志

方中德字田伯桐城人以智長子以智棄家避馬阮之難中德率二弟中通中履徒步追尋中履先後撫其子過於己子所著古事比已行於世其未刊者如易爻擬論性理指歸經學鈔撮等尚數十種

安慶府志

方中通字位白以智仲子幼隨父宦京邸後又棄家尋親奔侍遠省續承先緒研究天人律數音韻六書之學著有數度衍律衍音韻切衍篆隸辨從易經深淺說心學宗續編繼善錄及詩

文集

安慶府志

方中履字素北以智少子性孝友與兄奉母尋父會於南海復奉母歸旋獨往侍父十餘載父卒奉櫬返葬生平不治舉業博

覽羣書著有古今釋疑十八卷汗青閣全書數十種發明天人

性命禮樂制度經史之祕爲後學津梁

安慶府志

潘江字蜀藻桐城人康熙己未以博學宏詞薦母老不赴隱居著述卒年八十四所著有木匠詩集八十卷六經蠡測字學晰疑記事珠古年譜而龍眠風雅前後集百卷三百年桐詩人藉以不朽厥功尤鉅云

一統志  
江南通志

曹天寵字蓼潛懷甯諸生潛心象緯之學崇禎癸未徙家於鄉謂親友曰城內不可居也乙酉夏左兵東下桐果受其害著有

春秋三傳纂注

安慶府志

吳道凝字子遠桐城人順治丁亥進士歷官長清奉化知縣未幾告歸所著有大指齋集十二卷詩文外尤工行草自謂得李

北海筆意

安慶府志

孫中麟字振公桐城人順治乙未進士廷對後五日而卒年三十二所著有筆花集過江草弟中彖舉人亦早卒著有棲月堂

集越游草

安慶府志  
桐城縣志

邵森廣字東之桐城人精通經史詩文做漢魏不屑宋元以下經寇亂徙居秋浦以父兄在城冒險入營招撫定亂池城獲全

安慶府志

陳式字二如桐城貢生雅耽著述著有四書注注毛詩注注搜別出先儒訓詁之外今惟問齋杜意二十卷行世

安慶府志

吳循桐城諸生隨父道新宦游往來吳越閒一時名士如吳園次汪茗文等皆與之交著有周易圖解忍齋詩文集

桐城縣志

吳廷楷字端儀懷甯諸生爲文根極理要出入經史甲申後放

情詩酒惟應郡邑修志之聘而已

江南通志

陳衷赤字爾靖潛山人生而穎異過目成誦著員勝編歷代賢愚治亂鑑戒昭然同邑丁宗夔字以懋鍵關讀書究心易春秋大義邑令常大忠建三立書院前後延請二人講學多成名俊

江南通志

方正璠字致士桐城廩生工詩古文詞公卿皆折節與交後屏跡林泉益博習書史著有義史題衣錄杜詩淺說管見錄百結

鶴源莊錄

安慶府志方氏詩輯

方正珠字浦選桐城人康熙壬申以歲貢生蒙

召對示以中和樂諸法器奏對稱旨進父中通所著數度衍並自著乘

除新法一時學者奉爲準繩

桐城縣志

方畿字奕于桐城貢生授河閒府推官治獄平反活累囚數十人升漢中府同知致仕歸築室東園有四松所作詩近萬首輯

爲四松齋集

安慶府志  
方氏詩輯

黃基字遂耕桐城人工詩游王士正門下晚依亳州知州蘇灝  
灝卒於官基亦寄毫以老故著述甚富而以居毫集終焉

亳州志

舊志  
潁州府  
流寓  
新移

馬教思字臨公桐城人康熙乙未會元選庶常授編修分考壬  
戌禮闈得金德嘉卷爲榜首一時稱衣鉢盛事坐簡伉失院長  
意拂衣歸益事著述有古學類解左傳紀事本末等書詩古文  
別爲十卷弟方思敬思皆善著述方思創修族譜詳於序事著  
有寒檜軒詩敬思所著尤夥畫亦知名

江南通志  
安慶府志

馬繼融字愚公桐城人少真成均祭酒吳偉業推爲國士遂有  
盛名康熙戊午徐乾學以鴻博薦不赴著有茶香園集十二卷

桐城

縣志

錢選字枚一懷甯人康熙乙丑進士知茂名縣課士勸農興利

別弊歷有治聲歸里後著作甚富尤長於史學

江南通志

馬亨祥字嘉甫太湖貢生閉戶讀書篤於友誼著有茗樵集及鳳樓編年諸草性至孝病中遭母喪哀毀骨立不越月而卒

安慶志

府志

程如熊字桓子桐城人順治康熙間兩中副榜

接選舉志不載

遂專肄

業於詩古文構十松園顏之曰尚友所著有十松園文集集藝齋稿玉煙園稿淮游稿七十後稿彙言領要錄耕餘錄凡百餘

卷

桐城縣志

阮懋棠字召樹懷甯廩生畱心史學著作甚富父涵令關中一日念之辭母卽行青鞋布襪徒步而至不數月卒於橋山宦署所著有史督史取讀史補論修如堂稿輯韻林窮草諸集

安慶志

潘鈞字殿聲桐城歲貢少佐父治東陽出奇計擒山寇開城納  
難民全活萬計通五經精易理著有任園詩賦古文等集三十

卷翁叔元爲之傳

桐城縣志

劉宏謨字維嘉懷甯人康熙辛酉舉人所著有周易集解同邑  
宣魯字紹曾康熙乙酉舉人著有甯山堂集均以候補中書卒

官

安慶府志

張贊字越萬桐城諸生購書萬卷批纂晝夜不輟尤專心易理  
著有周易九圖淺說行世及步天經世返觀臥游諸集

江南通志

劉蕃字古處桐城貢生授桃源學官讀書雖盛暑必正衣冠危  
坐著有雪堂集浮山詩病餘吟

安慶府志

錢助仍字扶升桐城諸生博學強記尤長於詩著有聽雪齋一

集二集行世同邑李雅亦諸生詩文沈閱酣肆著作甚富有白



拙齋集行世

安慶府志

許來惠字綏人桐城貢生授邳州學官遷瑞安丞有治聲以耿介忤俗投劾歸與同里大學士張英副貢齊邦直貢生潘江學博張杰有五子詩義行世人爭傳而誦之

安慶府志

劉鴻儀字超宗桐城諸生嘗西登華嶽南泛五湖徧歷匡廬武夷題詠悲歌以發抒其漚鬱書畫皆冠絕一時人稱三絕

安慶府志

周南字汝爲桐城諸生少負經濟才凡古今制度沿革成敗得失皆能道其所以然挾策走京師條陳軍國大計十事奉

旨嘉其議可採著會同詳確議奏草野孤忠上達

天聽亦幸甚矣書類顏魯公詩文多散佚不自收拾自顏其室曰鶴巢

江南通志  
安慶府志

盛應春字與偕懷甯廩生性至孝父疾藥必親嘗庶祖母年八

十命妻魯同臥起扶掖湔浣久而不倦行己立身以古君子自期者作力追先正有世澤堂詩文三卷

安慶府志

程師恭字蜀材懷甯拔貢知永川縣侍郎仇兆鼐箋杜詩曾與

師恭證譌誤所著有歷朝史斷韻府羣書行世

江南通志  
安慶府志

陳光字季白桐城廩生卜築山南草堂讀書其中研窮性命之

學年八十卒所著有治平要覽條分六曹政事數百卷又有五

經筵言古事彙考等書行於世

安慶府志

何永紹字令遠桐城廩生博極羣書刻龍眠古文表章前哲著

有寶樹堂詩文全集同邑楊森字嘉樹畱心經濟有用世才著

有詩遜文遜後笑齋諸集

安慶府志

童鉉連字方平桐城諸生自六經左國以遠莊騷無不淹貫嘗

講易於張文端五畝園列坐而聽者數十人咸相屈服及門受

業多擢魏科登顯秩而銜遠竟困場屋以終所著有易學管窺

門人張廷璐爲之刊以行世

江南通志

周廣桐城廩生博極羣籍濂洛關閩之書俱析其奧詩古文辭

甚富性坦易待人從無疾言遽色卒年八十一

江南通志

張佑字吉如桐城人秉文子也早棄諸生從山農野老游喜爲

文所著有南汀詩集陶寫性靈發揮天籟從兄文端爲敘而傳

之

江南通志  
安慶府志

劉輝祖字北固桐城人父餘璜本懷甯狀元若宰第四子贅於

桐遂隸桐籍焉輝祖嗜學工文海內名俊皆推重康熙庚午舉

江南鄉試第一所著有藕浦文集四十卷

江南通志  
安慶府志

劉捷字古塘輝祖弟也舉辛卯鄉試第一兄弟皆爲名解元捷

初流寓金陵入江甯學有武生同名者橫於鄉里督學某誤以

爲捷也方入試忽命筭之數十已知其誤而護前遂置之四等未幾督學死人皆爲捷快而捷方爲之歎息無幾微見於詞色

其和厚如此

江南通志  
桐城縣志

張維嶽字宗五懷甯廩生沈酣經史及諸子百家言凡遇山川人物草木蟲魚必攷其異同筆之簡策至於登臨憑弔屐齒所

及題詠成帙所著甚多

安慶府志

蔣愚字潛伯桐城廩生著遡遊集石倉詩藝同邑貢生吳銜字柳寬著有深柳堂韋軒詩文集

安慶府志

方舟字百川桐城人寄籍金陵爲廩生韓慕廬莢見其文歎曰此於三百年作者之外自成一家者也

國朝以諸生之文而橫被六合者獨舟與金壇王汝驥耳北平李

塔表其墓曰孝友江鄉之望文章海內之師

一統志  
江南通志

重修安徽通志卷二百二十三

人物志

文苑二

安慶府

姚士藹字綬仲桐城人康熙戊辰進士官編修入直

內廷典湖廣順天鄉試所拔多知名士仕終左贊善所著有瞻雲

草南歸草餘齋詩集泳園詩集行世

江南通志  
安慶府志

張廷玠字稼書桐城人不樂仕進惟以著述及施濟爲務所著

歷代紀元表三卷四史簡編八十卷毛詩疏二卷又有西遊草

三吳遊草靜軒詩餘

桐城  
縣志

馬潛字仲昭桐城郡庠生性孝友事孀母跣步不離者三十餘

年所著古文四六詩及詩餘子菴臣輯爲八卷曰宕渠叢稿

安慶

府志

孫曰瑗字受采桐城廩生卒年僅二十四所著有周易詮義四

書詮義等書

安慶府志

張廷璣字黼臣桐城庠生大學士文端第四子年十二爲綠牡丹詩卽見賞於名公巨卿卒年二十三弟廷璿字璧臣郡廩生文端季子爲文落筆秀異一字未安不肯落稿卒年三十四兄弟皆年不副其才里黨惜之

江南通志

許德字符高桐城庠生工詩古文潛心經籍著有周易講義二

卷便覽二卷四書合參六卷

桐城縣志

姚士陞字玉階桐城人康熙癸酉舉人工詩文多材藝卒年三

十六著有空明閣集行世

安慶府志

祝祺字山如桐城諸生著有樸巢集行世

安慶府志

姚士珍字席臣桐城庠生治經專力於左氏嘗舉鴻博不應著  
有四書析疑春秋世系圖說咏花軒詩集長嘯草堂文集

桐城縣志

汪昌繁潛山諸生著作甚夥其切要者有作聖階梯窮源祕錄

蓋宗法宋儒之學者卒年八十

安慶府志

王心翼潛山歲貢理宗宋儒文追先正操選政者十餘年著有  
四子輯要春秋經世等書同邑諸生金承閻善詩古文千言立  
就著有天柱山房不焚草卒年八十二

安慶府志

金夢先字肯公潛山廩貢六歲能詩十歲善屬文康熙癸亥聘  
修江南通志築就花軒著書數百卷包括天人古今事物而以  
朱子之學爲主所著中庸說統人爭傳之

安慶府志

姜學遠字拙生太湖廩生博涉經史古文擬諸大家尤工詩所  
著有涉亂草同邑劉鉉亦廩生博通經史著有天文明解詩易

會參四書會參

安慶府志

殷祚昌字元仲，宿松廩生。當貢不赴，著有史評詩經詳解。年八十，且詣戚友作別夜半呼子姪前曰：吾前行矣。端然而逝。

安慶府志

虞吉字孚躬，宿松人。康熙戊午舉人，著有恕齋行稿、玉山詩集。行世同邑廩生張遇字元夫，善吟咏，精思險，緒頗類長吉。年僅

四十卒。學博王公御爲序其詩行之。

安慶府志

方日早字天曙，望江人。年十二補郡弟子員，攻苦積學，詩文深厚，必抉極理，輿而止。卒年僅四十餘，所著詩有專集，行於世。同邑庠生張子龍字雲六，好學嗜古，尤精詩賦。幼時曾作鐵馬賦，繪物肖形，寄託遙永，爲名流所欣賞。

安慶府志

沈鎬字新周，望江人。康熙己丑進士，歷知馬湖、屏山、縣。告歸，纂《秦蕭然生平究心史學與懷甯錢選訂綱目原本五十九卷訓



釋典核流傳海內又著有韻書十九卷藏於家今惟蜀遊記詩

古文稿行於世

望江縣志

錢源啟字敦一桐城人與弟源逢並以詩名築室於樅陽蘇山之麓蒔花灌園嘯歌自得源逢有澡雪齋詩稿行世源啟尤工繪事山水花卉翎毛草蟲皆有元人遺意得者寶之詩稿散佚今惟存於樅陽詩選中

桐城縣志

管成鸞字彩若望江廩生詩古文清俊拔俗尤工書法所著有梧岡詩集白門中州諸遊草

望江縣志

陳度字官儀桐城人工詩文善書畫家貧善病張文端英招之入都既買舟行臨河而返有巡撫王某備禮延之投刺曰庶人某更不爲通卽袖去巡撫聞而追之終不復往所著有滄螺集

二卷遂阿詩鈔四卷

桐城縣志

蔣生芝字鍾玉懷甯歲貢官寶應訓導以疾歸善書畫凡官署  
祠廟碑版多出其手善作枯木竹石瘦硬通神著有獅嶺草堂

詩稿

懷甯縣志

石頌功字雲亭宿松廩生善詩古文詞屢試不遇杜門著述嘗  
截竹爲筒納詩文其中盈則彙鈔成帙既歿多散佚不傳今惟

雲亭文集采山閣詩集行世藝林惜之

宿松縣志

雷豐聲字宜遠太湖庠生八歲居父喪哭踊如成人比長好學  
深思晚尤好易所著有周易解喪禮考天華詩草

太湖縣志

錢光藻字龍友桐城歲貢博通經史鬱不得志遨遊幾遍天下  
所著有叢桂堂文集客燕詩集粵騷青溪遊草渾漫吟放言諸

集

桐城縣志

方都秦字百工懷甯諸生以詩古文名一時晚益嗜學著書自

娛有梅溪文集六卷嶺雲詩集六卷

樓前縣志

董蔚字大文桐城歲貢通經史工詩歌書法二王所著有耕石詩鈔同邑葉放生字大慚與蔚相友善詩筆生硬古峭尤善五古嘗遇盜於江上盡祛其囊詩稿遂無復子遺今所存者僅見於樅陽詩選中

桐城縣志

方世舉字扶南桐城人少從秀水朱彝尊游多見古書秘本得其詩法以事牽累隸旗籍得放歸薦舉鴻博不就所著有江關集春及草堂稿蘭蕪詩話韓詩箋注行於世

桐城縣志

許七雲字耕華桐城諸生康熙丁亥

聖祖仁皇帝南巡恭進迎

鑿詩三十章蒙

賜御書墨刻荷包等件著有芋晚集越浮草行世其四書同聲光尊堂

筆談西漢文注國策注藏於家

桐城縣志

石龐字晦村太湖人嘗著雪賦春賦皆迴文爲自古所無之格

所著有天外談四卷晦村初集二集行世

四庫全書存目  
太湖縣志

左沅字湛舍桐城諸生高才不第放懷游覽作爲詩歌以自寫其胸臆妻江氏瑤亦嫻吟咏疊相酬唱極閨閣之樂沅所著有

鑑亭詩鈔江有藉溪吟草

桐城縣志

張廷珩字瑒聞桐城人雍正癸卯

御賜進士授檢討

內廷供奉充講官

御製七言詩一首以褒之皆異數也甲辰分校北闕所取得人卒於官

恩賜白金二百兩護其喪歸

江南通志

張若靄桐城人雍正癸丑進士

廷試

上親拔其卷置一甲三名及拆號乃大學士張廷玉之子廷玉再三懇辭

上勉從其請改二甲一名授編修充日講起居注官入直南書房乾隆閒歷侍講學士累擢內閣學士十一年

上西巡扈從以疾回京卒奉

上諭照伯爵品級賞銀一千兩料理喪儀

賜祭一次著有蘊真閣詩集四卷

桐城縣志

王洛字仲涵桐城人雍正癸丑進士授刑部主事平反諸獄擢吏部郎乾隆丁卯丙子丁丑庚辰四充鄉會試同考官得士最盛著有淪靈集懷坡集

桐城縣志

張若澄字鏡壑桐城人乾隆乙丑進士選庶常授編修工繪事

嘗奉

命臨摹古人圖畫

御賜題詠有鍊雪齋中弟與兄之句鍊雪齋其兄若鶴讀書處也一時

藝林傳爲盛事三齊鄉會分校一典湖南鄉試官至內閣學士

著有瀟碧軒集

桐城縣志

馬樸臣字春遲桐城人以舉人考授內閣中書乾隆丙辰薦舉

鴻博不遇所著多不自收拾子騰元輯其遺草僅得二卷遲使

盧見曾序而行之弟蘇臣字湘靈工詩嘗遊滇南覽其山水奇

崛所作益奇世所傳萬里吟是也晚年自訂其稿爲湘靈詩鈔

桐城縣志

張尹字无咎桐城人四歲已通四聲識數百字乾隆丙辰成進

士選庶常改知長樂縣著有經傳世案二十五卷及石冠堂詩

文鈔六卷

桐城縣志

許雨田字多亭桐城歲貢工詩古文方望溪苞極稱之謂不在汪鈍翁魏叔子下所著有慎餘堂古文十千居詩集詞集花閒談助若干卷又著有及將子一編胡宗緒爲序而行世

桐城縣志

劉慶雯字喬三懷甯人年十一作癡春賦數千言所爲五言雜詩論古有識其山居詩幽遠不類人閒語年僅十三而殤著有

半松軒遺詩二卷

懷甯縣志

金永字方思懷甯歲貢官上元訓導文有真氣清道古宕重絕塵表詩五言兼有襄陽柳州之長所著有黃葉村莊文集八卷

詩集二十四卷

懷甯縣志

戴齡字鶴年懷甯諸生勤苦嗜學泛覽諸子百家嘗輯儒先傳說附以辨論所著有周易辨占集解六卷麟經解略四卷

懷甯縣志

鄭道明字希濂懷甯副貢究心宋儒之學貫串經史著有續箋

山房集錄十八卷

四庫全書存目  
懷甯縣志

蔣瑤芝字素生懷甯諸生邃於經學尤長於詩以杜少陵爲宗所著有夜光集三碑佟世恩招往粵西有五嶺紀遊諸詩後竟

卒於桂林

懷甯縣志

劉大槐字海峯桐城人嘗遊京師時同邑方苞以古文名海內大槐持所業謁之苞驚歎自以爲不及雍正己酉壬子兩中副榜舉鴻博不遇以經學薦亦報罷乃出爲黟縣教諭數年告歸大槐雖遊於苞之門苞深於經所持者義理而大槐則氣盛才雄兼集莊騷左史韓柳歐蘇之長而以義理出之詩亦雄深奧衍不拘一體所著有海峯文集八卷卒年八十三

桐城縣志

方貞觀字履安桐城諸生工詩善書運使盧見曾極推重之以



事牽累隸旗籍後得放歸以鴻博薦不就著有南堂詩稿

桐城縣志

方澤字萃川桐城優貢少與同里姚範葉酉等號龍眠十子又

與周振采沈德潛等稱江左十子又與秦大士章謙恆王鳴盛

等結秦淮文匯合兩江士子凡五百餘人聲名藉甚晚始以貢

入都由教習選知縣不就所著有詩古文集行世

桐城縣志

吳自高字若山桐城人張文和廷玉延爲記室奏自高隨直辦事

高宗純皇帝嘉其慎密授翰林待詔歷戶部主事刑部員外郎清勤有

聲引疾歸所著詩文筆記多散佚今惟善卷堂四六注行於世

桐城縣志

張若霈字樹彤桐城人乾隆丁巳進士選庶常授編修升侍講

分校鄉會試稱得人性至孝居喪茹素廬墓三年其學研究諸

經遠於周禮文甚宏富而長於詩歌著有行邁集見吾軒詩集

桐城縣志

江有龍字若渡桐城人熟於史鑑三禮兩漢書皆有論糾注家

之謬試鴻博不遇以副貢選江甯教諭適以毀卒著有詩經解

義左傳分著四書纂要諸書

詞科掌錄 桐城縣志

熊長鞏字弼士潛山庠生工爲詩有大歷十子風格所著有西

園遺稿武陵游草孫諸生文泰工五言自詡長城人亦以長卿

目之著有文昌摭史錄六卷春草閒房詩賦三卷四十賢人集

一卷文泰弟寶泰亦諸生工詩古文所著有藕頤類稿

潛山縣志

馬濂字牧儕桐城人以舉人官內閣中書充

五牒纂修官博學多才詩歌亦超逸惜年僅三十餘而卒所著有短藥

詩鈔二卷

桐城縣志

張裕學字又牧桐城人乾隆戊辰進士選庶常授編修官至國子監祭酒纂修續文獻通考癸酉典試山東甲戌己卯分校鄉會試得人最盛告歸著作愈富有野蘭園詩古文及館閣詩賦行世卒年八十一

桐城縣志

檀萃字默齋望江人乾隆辛巳進士歷知青溪祿勸二縣興學勸農政聲大著以不阿墨吏議罷官曾主雲南五花講席滇人爭師之性豪放喜游由楚之吳舟次里門不入後竟卒於金陵所著有楚庭稗珠錄滇海虞衡志滇南詩話穆天子傳注逸周書注儷藻外集諸書又有武定州祿勸縣番禺縣各志

望江縣志

曹京字雲路望江人以舉人授國子監典籍籍所著有四書測海

六卷通俗編三卷又仿方言爲稱謂辨四卷卒年八十四

望江縣志

丁田樹字晉占懷甯人乾隆辛未進士選庶常授編修歷河南

山東道御史典四川鄉試擢給事中左遷兵部主事升郎中告歸以著述為務有粵遊蜀遊北遊諸草又哀集其在館閣時所

為詩賦十餘卷

懷甯縣志

李勉字嘯村懷甯諸生詩才敏異督學按皖試春江詩頃刻成七律三十首時有國士之目客遊金陵維揚閱數十年落拓無所遇雍正乙卯舉鴻博不就乾隆辛未

上南巡

召試二等著有嘯村詩三卷兩淮運使盧見曾為刻傳之

懷甯縣志

魯琢字研山懷甯人乾隆丙子舉人知浪穹縣改任鳳陽府訓導為文出入經史詩亦開宕有氣不拘一格其五古絕幽鑿險出入韓蘇尤為人所莫及著有南莊文鈔八卷詩鈔十四卷執經記八卷強識錄四卷格致邇言四卷又如圖詩話林下清談

若干卷

懷甯縣志

檀自蔭字玩青望江舉人官靖江教諭以艱歸起補句容教諭生平精於三禮著有周官考文選杜詩韓文皆有考證又有章

菴集若干卷卒年八十六

望江縣志

周鵬翥字雲衡太湖人乾隆庚寅舉人工詩古文詞以三通館議敘授兵馬司正指揮不赴所著有古今體詩古文及駢體詩

餘數十卷藏於家

太湖縣志

魯瑣字星村懷甯貢生工書善畫詩筆清和古澹漸近自然沈德潛甚稱之袁枚亦謂懷甯詩人有二村一甯村李薏其一則星村也所著有星村詩鈔管窺集瑣事合編

懷甯縣志

丁珠字星樹潛山人乾隆庚寅舉人官鹽州知州以事改靈璧

訓導所著有西溪詩草

潛山縣志

重修安徽通志

卷三十三

人物志

文苑

九

安慶府

徐世錦字肇杓懷甯人乾隆壬辰進士以母老不仕著有周禮

綜類大易括言等書

懷甯縣志

翁立準字愚亭懷甯人乾隆乙未進士以母老不就銓或勸之曰古人不以三公易一日之養況七品官耶所著有愚亭詩文

鈔

懷甯縣志

石渠字太青桐城廩生入國子監肄業以方略館磨錄官薊州吏目丁艱歸遂不出肆力於詩古文與袁枚王文治等相倡和

著有一枝草堂集三卷夢花軒集一卷

桐城縣志

黃崇蘭字學存懷甯舉人官蒙城訓導修學宮建莊子祠後爲涇縣教諭以誤詳生員疾故將鑄職闔學爲請於學使得免著

有貢舉考略四卷及湘庭詩文集

懷甯縣志

雷天銓字晉風太湖歲貢母喪廬墓著有古喪禮家喻及玉洞

詩草一卷

太湖縣志

李聲清字尙夫太湖歲貢官溧水訓導工詩古文詞所著多不自收拾惟存有蘭言甲邇來復諸集數卷行世

太湖縣志

馬春田字雨耕桐城廩貢工詩風格道上有唐人遺響所著有乃亨集四卷弟春長亦工詩善書著有花田詩鈔

桐城縣志

何循字質厚桐城人乾隆乙未進士選庶常授編修保薦知府辭不就乞休歸不復仕進著有因樹齋文集南轅詩草

桐城縣志

李振新字清庾太湖人乾隆庚子舉人已酉後不復赴試惟潛心經史所著有清庾集

太湖縣志

吳貽詠字惠連桐城人乾隆癸丑會元選庶常授刑部主事歷吏部驗封司兼文選司主事詩宗盛唐格調高渾著有種芝草

堂詩文集行世

桐城縣志

方宮聲字象三桐城拔貢詩才橫放淋漓跌宕出入於青蓮肩山之閒而能自抒性靈律體明麗風骨頗振著有黃海集小娜

嬾閒詩學海棠樓詩存黛龍逸稿

桐城縣志  
方氏詩輯

周方濤桐城廩生嘗以詩經集說及蓮花石華迴文賦見賞於朱學使筠贈以聯有雪案治詩精集說風簫作賦妙迴文之句

桐城縣志

方績號牧青桐城人爲文高古雄邁造語奇崛詩格出入杜甫黃庭堅居恆校正史傳諸子百家鈔錄凡數百卷著經史劄記十二卷屈子正音一卷牧青詩鈔六卷古文詞一卷貧未能刊

桐城縣志

章甫字子卿桐城人乾隆己亥舉人知東鄉縣培植學校重修育嬰堂士民德之博雅多才著述極富有如不及齋古文彙上



邇言小姬嬈詩鈔等書

桐城縣志

張裕葉字待喬桐城副貢官欽陔教諭滁州學正湛深經術博綜鄭賈旁及天文算術射法醫理星相堪輿莫不洞曉著有耐雅補注爾雅刊誤又嘗撰開方捷法一書凡算中積求邊者不過一乘一加而所得之邊與古法等最爲精妙又嘗以己意創爲燥溼表能預知晴雨學者稱爲華嚴先生

桐城縣志

張輔贊字弼辰桐城人乾隆庚寅舉人著有經說及詩古文集妻車氏亦工詩夫婦居貧操作諷吟不絕口

桐城縣志

劉庭璠字調浥桐城庠生少嘗爲梅花詩百首知名於時後復潛心於易朱筠姚鼐皆稱之著有浣溪詩文集音律析微等韻

準繩諸書

桐城縣志

胡虔字維君桐城人嘉慶丙辰舉孝廉方正南康謝啟昆撫粵

西時聘主秀峯書院其所纂西魏書小學考實資考訂以疾歸門下士多涕泣送之所著多散佚今存者惟梯葉軒筆記識學

錄二書

桐城縣志

張元翰字虬馭桐城人精六書之學工篆書行草久困場屋以從九品需次廣西非其志也會巡撫謝啟昆修廣西通志聘充

纂修輯沿革最稱精確以疾歸所著有六書正謬補五卷

桐城縣志

龍彪字錦回望江貢生枕經莊史倚馬千言屢困棘闈慨然以著述爲事有稗雅四卷雷隱叢談一卷片石集一卷

望江縣志

倪模字廷存望江人嘉慶己未進士築室大雷岸藏書十餘萬卷寢食其中所輯有經鋤堂書目七十二卷又著有古今錢略一書凡刀布五銖半兩以及外國壓勝莫不皆具披其圖者以爲過於洪氏晚補鳳陽教授修葺學宮殿廡次第就舉築精舍

數十閒俾諸生肄業其中郡邑士人懷之

望江縣志

余鵬神字小雲懷甯諸生甫五歲時經史百家過目不忘稍長往來河洛關隴閒登高弔古語必驚人至京師朱學士筠最稱之試不利慨然歸別號息六以見志卒年僅二十八所著有韓文公集編年考喪大禮考息六齋文集四卷詩餘二卷兄鵬飛乾隆丙午舉人少以詩文爲沈德潛儲麟趾所賞年僅四十卒著有飲江光閣詩鈔十二卷

懷甯縣志

余大中字藕亭宿松歲貢官鎮洋訓導捐俸修學宮玉帶河又培文筆峯士人德之告歸年八十餘猶手一編不輟所著有四書本義樂律纂要古今仕學金鑑校訂江永鄉黨圖考

宿松縣志

石渠閣字蘭臺宿松人乾隆丙午舉人知文水縣有政聲未幾

引疾歸娛情詩酒著有北江詩文集蘭臺彙苑

宿松縣志

潘煥字蘭如懷甯諸生能文工詩與滁州詩人張葆光友善醜

雅似不及而雄健俊爽過之著有晉希堂集二卷

懷甯縣志

王灼字濱麓桐城人乾隆丙午舉人官東流教諭性至孝講學窮經自漢唐宋諸家無不穿穴貫通而折衷於義理著有悔生文鈔詩鈔其所輯有樅陽詩選增定唐宋五七言近體詩選

桐城志

吳廣枚字登虞桐城人嘉慶己未進士選庶常充實錄館纂修改禮部主事升郎中纂修會典及學政全書擢監察御史在部十餘年遇事論議必依據禮經不肯苟爲唯諾爲御史數上疏皆以人心風俗爲務以艱歸遂不出家居崇尚儉約教人必以禮法學者稱春麓先生所著疏稿及詩文集若干卷

桐城縣志

張大紱字阜祥桐城人嘉慶七年以試用訓導署靈璧教諭時

宿州教匪滋事盡心堵禦有功平居潛志經學博攻箋疏衷於

一是著有說經類傳數十卷

桐城縣志

張聰咸字阮林桐城人以舉人補覺羅教習詩文宗法古人於

經通左氏傳於小學通音韻於史熟漢晉逸事著有左傳杜注

辨證經史質疑錄及傳巖詩集卒於京師年僅三十有二

桐城縣志

吳孫珽字伯摺廣枚子也曾應京兆試不第遂屏棄時藝專力

古學爲詩文慷慨有氣下筆千言卒年僅四十一著有不知不

愠齋集小桃源詩話若干卷

桐城縣志

劉開字孟塗桐城庠生早失怙母吳氏撫之成立年十四上書

鄉先輩姚鼐奇之謂他日當以古文名家布政使某聞其名

欲妻以女謝不就貧愈甚備嘗四方竟以客死遇不副才士林

惜之所著有續列女傳詩已刻者十卷未刻及文並外集若干

卷藏於家

桐城縣志  
以上舊志

劉家埭字若冲懷甯諸生孤淡好學著有左國分注月令類注

及詩古文集

懷甯縣志  
以下新修

周宗華字毅芳望江增生寢饋經史凡所考辨者手鈔千卷每

講學必衣冠危坐從無情容所著書兵燹散佚

望江縣志

周芬斗字汝調桐城舉人福建知縣四川知州有政聲學問淵

雅所著有諸經解及波餘集入蜀集餘慶堂集弟芬珮字汝和

進士浙江知縣著有文集

桐城縣志

蔣雍植字秦樹懷甯人篤於內行交友有始終爲時所稱乾隆

辛未

召試舉人辛巳進士授編修在方略館最久方略載西事自車榜烏巴

什阿睦爾撒納款關至耆定伊犁爲正編平回部經理西南屯

田諸務爲續編中間歷時五年闢地二萬餘里端緒千百事實

康甯縣志

石毓棟字立堂宿松拔貢六合教諭孝友貞粹文如其人著立

堂文集

宿松縣志汪維誠文鈔

王大樞字白沙太湖舉人少孤力學緣事成伊犁分纂伊犁志

恩赦歸著有古史綜西征錄詩序輯說春秋屬辭古韻通例陶詩析疑

鴻爪錄

太湖縣志

孫中礎字省武桐城人慷慨工詩文書法尙書李振裕以博學鴻詞薦不就著有書澤堂集蜚園詩草江海吟盤孟集卒祀鄉

賢祠

桐城縣志

朱雅字芥生桐城舉人博聞強識肆力詩古文詞與王灼張敏

求號樅川三俊著述散佚惟芥生詩集存

桐城縣志

許躍鯉字春池桐城進士江蘇鎮江府教授課士有方嘉慶乙

丑捐辦平糶丁卯倡創鎮江試院著有五經一得四書一得春

池文集詩集雨窗夜話

桐城縣志

吳大升字冰衡桐城人以立身行己爲學著四書講義又博通

訓詁著字辨

桐城縣志

左漢字晴川桐城舉人歷歙縣丹陽教諭培植人材著有異數

詩文集

桐城縣志

張敏求字雙甫桐城舉人歷官江蘇奉賢甘肅漳縣知縣病歸

食貧自娛著有問花亭詩集

桐城縣志

方于穀字石伍桐城歲貢恬退養素與王灼吳賡枚張敏求爲



文字交著有拳莊詩鈔賦鈔詩話飼經堂駢文

桐城縣志

潘相字輔之桐城副貢歷官順天西路同知有決獄才耽吟咏

著有歸雲詩集

桐城縣志

余懿術字葆君太湖增生著有解經精義家禮圖說養正詩文

集

太湖縣志

曹剛字體乾太湖廩生生平不妄交接惟以著述爲事著有四

書集講古文詩賦共數十卷

太湖縣志

左朝第字筐菽桐城舉人兄宮字東暘著有經解詩文集朝第

精禮學所訂家禮曰納牖編聚以箴銘能得程朱遺意又撰詩

經緯講史衡全桐城守紀略滙餘詩集

桐城縣志

左亮采字和仲桐城增貢與劉大樞友善晚年講心性之學著

崇古堂詩文集

桐城縣志

張曾獻字小令桐城舉人嘉慶中官山西潞安府知府有治績

升冀甯道病歸著未齋詩集

桐城縣志

方清漣字璧江宿松舉人孝友尙義研究經史著讀經隨錄讀

易心得兵事輯要鋤經堂詩文集

宿松縣志

劉宗任字華園望江歲貢考訂諸書寒暑無閒著述散佚惟然

青樓草行世從學者立主雷陽書院祀之

望江縣志

張夢瀛字楚洲望江舉人嘉慶初元孝廉方正歷官廣德州吳

縣訓導品學爲士林模楷著學語齋古文禹貢地理傳說綱目

集覽訂誤辨論衡評駁

望江縣志

周用嘉字柔山望江副貢主講雷陽書院造就多士著有柔山

文集松心閣詩集

望江縣志

吳山字春樹望江歲貢著有茹涵研論荒政輯略晚香齋漫吟

因粵匪之亂輯經武彙纂書成而卒

望江縣志

江爾維字季持懷甯舉人工詩爲桐城姚鼐所賞陳世銘取其七峯詩稿二卷及汪之順梅湖集余鵬飛飲江光閣詩鈔合刻之爲皖江三家爾維有兄六人四曰景綬字復齋六曰景紱字

學圃皆有文名

懷甯縣志

姚漣字錦堂桐城增生嘗拾遺券百金還其人著有經義拾遺及古文漱泉詩草

桐城縣志

趙文元字殷南太湖舉人家貧嗜學古文出入李翱孫樵兩家詩以唐賢爲根柢著有岵瞻詩文集

太湖縣志

李振庸字樞亭太湖進士授編修嘉慶二十三年

仁宗再詣

盛京祇謁

祖陵禮成振庸重排千字文爲千言頌以獻

上嘉賞之歷御史給事中中書向無俸米以振庸條奏得食半俸道光

中乞假歸主講敬敷書院後進多所裁成

太湖縣志

李振榮字效曾太湖廩生

仁宗巡幸五臺進呈詩冊

恩賞文綺所著有古今體詩文皆散佚惟進呈詩一百八首存

太湖縣志

李國杞字午林太湖進士歷官侍講學士著有挹爽樓文稿花

竹齋詩集花影菴詞

太湖縣志

姚元之字伯昂桐城進士授編修歷官左都御史任刑部最久

辨論法律精確多所補益工漢隸繪事著有竹葉亭雜記廌青

詩集

桐城縣志

胡方朔字小東桐城進士由庶吉士改主事歷官廣東高州廣

州知府有治績公餘不廢吟咏著果齋詩鈔

桐城縣志

戴鈞衡字存莊桐城舉人以詩古文名與文漢光等創建桐鄉書院共明學術尤留心經濟咸豐初軍興鈞衡條陳天下利弊及近時切務反復數萬言賊掠其家妻妾盡節走臨淮乞師圖規復計以義憤鬱鬱客死懷遠著有書傳補商書傳纂疑草茅一得味經山館詩文鈔蓉洲初集

桐城縣志

文漢光原名聚奎字鍾甫桐城貢生道光戊申己酉連年大水籌捐助賑咸豐元年舉孝廉方正六年大旱籌辦兵食時官軍被圍漢光走廬江借糧千石以濟防軍積勞歿卒著述燬於兵燹僅存藕孔餘生集二卷

桐城縣志

許歷京字務茲桐城人少孤日誦萬言成道光丙戌進士歷官浙江陝西知縣工詩古文著有蘭園詩集駢體文

桐城縣志

劉會字效斟桐城諸生以孝義聞居喪盡禮保節全孤著有越

潭詩草子光聯著璞菴詩鈔

桐城縣志

方炳字月生桐城舉人江蘇蕭縣知縣建龍城書院振興文教

著藤綠山房詩鈔

桐城縣志

張遇春字愧農桐城諸生篤孝安貧不苟取與節縮衣食營葬

數代積棺著有存悔軒詩文集

桐城縣志

李炳奎宿松諸生究心小學深於許慎說文著有字形詁要詩

韻補遺

宿松縣志

儲光禛潛山歲貢肆力經史爲文力追先正著有經典考正儀

禮章句暨文集若干卷

潛山縣志

汪錚字叔瞻原名覲光桐城人年十二盡讀十三經長有孝義

稱年六十一始成進士用廣東知縣道病歸所輯四書萃說五

經薈要並詳考漢宋諸家而持其平

桐城縣志

方于濟字民懷桐城人西銘太極窺其奧旨尤精天文之學著

有魚珠偶存

桐城縣志

何承熙字橘洲桐城舉人有讓產於弟之美工詩古文詞著碧

杉草堂詩集駢體文集

桐城縣志

丁廷樞字虎臣桐城人徧游天下名山大川博覽羣書著周易

纂要明儒纂要萊根軒古文彙葭秋水樓詩集

桐城縣志

山浚字匯泉宿松增貢讀書過目成誦主講六合多所成就著

有喪禮考要務本錄敦睦堂文集

宿松縣志

石希恕字雲舫宿松廩生博覽羣書究心漢儒訓詁而折衷於

宋儒義理著有周易本義旁參慎齋劄記

宿松縣志

石兆嵩字德峻宿松廩生家貧嗜學博綜漢宋諸儒之說於易

周禮左傳用力尤多年三十九卒著有經學會纂河道樂律禮

制考紫荆山房初稿涇江風俗謠病中吟草

宿松縣志

馬汝舟字曉帆懷甯文生少時父病冒雪求醫足盡腫裂由是

精醫理又工古近體詩著有曉帆詩選

懷甯縣志

陳大訓字藏書宿松人博聞強記兼曉兵法嘉慶初以軍功授

樂清典史著有經文別異行見錄歸田錄秦中文集樂尉文稿

言川詩集

懷松縣志

李川衡字越岑懷甯歲貢博通經籍著有易象諦釋周官辨義

讀經偶得畜德篇詩文雜集

懷甯縣志

江本培字固堂懷甯歲貢咸豐初

欽賜舉人國子監學正銜性寬和篤於倫紀卒年八十八著有存雅齋

詠史詩三千餘首

懷甯縣志



方昌林字復生桐城諸生力能舉五百斤後從馬復震剿賊保訓導歿於軍廕子入監所著有抱膝吟又選輯桐城名媛詩鈔

桐城縣志

陳世鎔字雪樓懷甯進士甘肅古浪知縣以簡敏爲治甄拔寒畯有人倫鑒遷同知病歸築室天柱峯下讀書著述至老不衰卒年八十七著有周易廊書說詩說禮說春秋說學庸俟論語俟易學支流等書五十卷求志居詩文集三十六卷

懷甯縣志

楊志傳字石門桐城貢生少從吳士爾學詩古文詞長有義行嘗稱貸以完人夫婦晚值寇亂集子姓暨村人保衛鄉里所著有放懷堂詩古文

黃崇良撰狀

王瑯字芝生桐城廩貢訓導署巢縣學多所造就著有清沁園

詩賦鈔詞鈔雜俎

采訪冊

汪正堃字載吾桐城監生恬淡博雅歷主臺滁各書院道光中以賑饑議敘鹽知事咸豐閒辦團積勞卒著有龍灣堂詩稿桐城

縣呈

陳章字丹綺桐城諸生幼聰穎工詩古文詞兼善楷書弱冠入學歲科試輒列高等共以遠到期之咸豐癸丑粵逆東竄偕邑人團練城守中刃墮亂屍中絕而復蘇生平忠憤一發於詩著有菊圃詩鈔若干卷再生吟二卷

宋訪續冊

許丙椿字若秋桐城歲貢少從同邑姚爾學詩古文詞爲一時所重同治丁卯

恩賜舉人卒年九十二著有數園詩談數園義鈔磐石山房詩鈔惟詩

談刊行

宋訪續冊

按安慶府以詩文名者

國朝尙有懷甯劉鍾嶽著百子花集方都鎬著草堂詩略何棐著萊山於

穀著窮汪宗周著敦好韓寵著莊集魯士清著文鶴林黎雨稼

松門自長吟等集黃浩浩著綠蘿江臚元著適路一清

弟琛著榆門集方達著竹江景綸舉人著經孟非襲

蔣道趙有容著涵齋朱衣點諸生著戴麟

副榜著連查銀諸生著鐵崖朱衣點諸生著戴麟

城文集連查銀諸生著鐵崖朱衣點諸生著戴麟

占集勞崇煦諸生著壽王壽雲著讀山房詩李華禮諸生

秋類李勳監生著竹朱琳諸生著養元集以上見辭志

疏城朱祿三副榜戴宏閻分注及咸遇詩清溪集戴宏鑄生

著西銘解洪範九方膏茂舉人著餘齋集弟范采著史佐

噴解史論開峯集吳紹芳舉人著繩潘金章歲貢著

文鄧森雲西秦文集姚士蕃指南等書孫曰瑛庠生著周

集潘紫芝庠生著韻姚士蕃指南等書孫曰瑛庠生著周

諸書 **李在銓** 廬生著映月軒集四卷 **趙襄國** 州同著宗正錄

詩 **丁倬** 廬生著鬢山空詩文集西崎文集浮鷗集螺岑集西

方仲舒 廬生著草甲新草卦初草 **馬謹** 廬生著仿山詩文集

允升 廬生著懷 **劉希天** 廬生著口授學府春秋四傳 **張孔**

蘊 廬生著經家課祖記簡要 **朱世弼** 廬生著 **光標** 廬生著

十卷 **劉中芙** 廬生著學古集四卷 **唐廷熊** 廬生著 **山訓** 廬生著

西銘詳釋及等韻譜 **方正瑤** 廬生著 **通卒** 廬生著 **三年** 廬生著

行世 **姚孔鑑** 廬生著 **履諱** 廬生著 **吳甌** 廬生著

醫學尋宗入卷行世 **方元禮** 廬生著 **吾廬** 廬生著 **小揮** 廬生著

緒色張如浮共訂四香進夏行世 **周廷華** 廬生著 **有左** 廬生著

世 **錢仁起** 廬生著 **四香** 廬生著 **一正** 廬生著 **疏陰** 廬生著 **符道** 廬生著 **德經** 廬生著 **別注** 廬生著

餘 **章守待** 廬生著 **周易** 廬生著 **定解** 廬生著 **十二** 廬生著 **卷左** 廬生著 **傳珠** 廬生著 **十六** 廬生著 **李枝**

秀著晉經講左學者論史垂餘四卷蜀道記五卷蜀話三卷

二卷我雪方澤吟人鹽大使著涵齋詩集吳越榮芳者拾殘

詩集八卷方澤吟大華吟李光第爲序以行之榮芳集六卷

樂常集十卷子長春著有五經精要錄房立誠頁生著詩經

古香堂詩稿姪沛著自得一錄十二卷房立誠頁生著詩經

左維型著論孟講義張若潭進士授翰林檢討方城生著

屋經解及吳階泰浮州同知著過嶺愚溪楊鏞軒文集著

詩文鈔百趙植拔貢著三餘草姚支莘民詩鈔吳虬著

年眼諸集上草四卷杏園草六卷朱桂芬增生著小山陳

春閨思集唐一卷咏梅集唐百首姚支莘民詩鈔吳虬著

家勉諸生著策疏枝春廩生著三十一卷草堂張水容舉人

訓導著環山左眉抄貢著靜菴詩文集十卷蔡左堅吾著東

堂詩文集歲貢家城訓導著字學辨楊瑛昶詞集中隱軒詩話

吳潮正四卷海晏詩集九卷楊瑛昶詞集中隱軒詩話

東野鄙談梅陶立序生著十三經疑徐眉舉人著三隱軒詩話

軒雜俎等書義風和軒詩文稿徐眉舉人著三隱軒詩話

唐文岸生著易時書張梯雲歲貢著觀梅集東隱軒詩話

進士善楷 **姚興麟** 增生著五經解子史釋疑 **楊芝清** 三經萃

說十卷 **馬祐** 著善藏 **光名揚** 副貢著春草堂文 **吳逢盛** 舉人著

異 **吳宇定** 諸生著 **葛柳** **左企石** 古文學士著詩 **馬岳** 詩生著古

方諸 **吳士補** 諸生著 **友** **吳廷森** 著詩 **吳廷輝** 諸

著逸齋 **錢榛** 子諸生著 **方保升** 進士著 **劉宗儉** 副貢著

詩文稿 **龍汝言** 員外郎著 **張煒** 石壺集 **周道煥** 著 **龍** 著

莊 **張鵠** 詩生著 **左暄** 北史忠節傳 **黃文炳** 甘肅知州著

集 **方奎炯** 進士著 **吳爾慶** 明詩稿 **黃文炳** 甘肅知州著

丁煥 **張聰實** 孝友尚義著 **方賈莖** 以上元籍諸生

念軒詩文集 **方秉澄** 農貢者 **光聰誠** 諸生有義行 **方潛** 原

金石居 **方秉澄** 農貢者 **光聰誠** 諸生有義行 **方潛** 原

士超著 **方秉澄** 農貢者 **光聰誠** 諸生有義行 **方潛** 原

集多說 **方秉澄** 農貢者 **光聰誠** 諸生有義行 **方潛** 原

著晚國名 **方秉澄** 農貢者 **光聰誠** 諸生有義行 **方潛** 原

疏賦七卷 **方秉澄** 農貢者 **光聰誠** 諸生有義行 **方潛** 原

著 **方秉澄** 農貢者 **光聰誠** 諸生有義行 **方潛** 原

著 **方秉澄** 農貢者 **光聰誠** 諸生有義行 **方潛** 原

著 **方秉澄** 農貢者 **光聰誠** 諸生有義行 **方潛** 原

著軒聯許鯤遠園詩集王蒙泉歲貢若米人詩潛山何迪

著詩古文徐千之板貢若所雁字詩三十首金先

知詩生與兄夢先同刻雪徐家憲增生著周葛高道舉人知

文堂徐道知西詩草徐大理歲貢著世登張璿著易學汪

之鯉著月湖文稿柳大動諸生著新孫文陽著兩河熊象

補著一卷熊象援著忝生草詩卷盧宗器增生著古儲光祐

典揭要葛起涵二史鑑略徐槐卿門辨誣論汪元音著舉人

詩稿葛一夔補清集儲宜雅歲貢著南儲達簡字韻譜葛

宗舊編導著晴川象太湖程中麟填詞集唐諸稿馬世機

拔貢著梧朋長義國詩文稿陳于謙著懷山蕭如尊梅菴文

集詩以劉維曜舉人陝西知縣著周繩麟歲貢著看錦樓文

目係纂歷朝詩典歲貢著詩文仇琨進士著自李振銓著舉人

名賢言行錄黃典集數十卷文苑怡詩草李振銓著舉人

西詩 曹錫鎮 廬生著 小舍 劉國筠 舉人 貴州 同知 韋偉人 縣知

草詩 曹錫鎮 廬生著 小舍 劉國筠 舉人 貴州 同知 韋偉人 縣知

著五雲書屋詩 宿松高秉皇 歲貢 詩載 玉山 王貺 諸生 詩載

田詩在 劉應綰 訓導 著 麟 吳學竺 歲貢 詩載 玉山 王貺 諸生 詩載

以上舊志 何文甫 廬生著 仲 楊求照 玩辭 半解 周源 渠 三 廬生著

集詩 何文甫 廬生著 仲 楊求照 玩辭 半解 周源 渠 三 廬生著

解吞塘 周鑽 歲貢 有義 行者 張永觀 歲貢 著 笠 楊調元 州縣

詩鈔 周鑽 歲貢 有義 行者 張永觀 歲貢 著 笠 楊調元 州縣

進士 歷任 廣西 福建 知縣 有 黃士琦 歲貢 著 笠 楊調元 州縣

聲著 竹書 文集 竹書 詩集 有 黃士琦 歲貢 著 笠 楊調元 州縣

詩軒 王待聘 舉人 著 自 田穎 舉人 著 魚 山 詩集 笠 楊調元 州縣

詩集 王待聘 舉人 著 自 田穎 舉人 著 魚 山 詩集 笠 楊調元 州縣

天閣 周陳心 崑 著 行 世 檀易 著 龍 網 集 沈維 充 諸生 著 四

易六卷 陳心 崑 著 行 世 檀易 著 龍 網 集 沈維 充 諸生 著 四

縣知

縣知

縣知

縣知

縣知

縣知

縣知

縣知

縣知

縣知

縣知

縣知

縣知

縣知



樓近 童良毓 諸生著南 童嘉莘 舉人者毛詩徐 童蒙亨 者門

卓 竹軒文集 宋 拔貢教諭著鹿砦 生 詩集 以上新增